

丹溪脉因證治

上

漢書門			
類	號	函	架
一	二	一	二
二	四	〇	〇
七	七		

內閣文庫			
漢	書	函	架
一	二	一	二
二	四	〇	〇
七	七		

內閣文庫			
番號	漢	12547	
冊數	2 ( 1 )		
函號	301	4	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale







Kodak, 2007 TM: Kodak





丹溪朱氏脉因證治序

金之以善醫鳴者凡三家曰劉守真氏曰張子和氏曰  
李明之氏雖其人年之有後先術之有攻補至於推陰  
陽五行升降生成之理則皆以黃帝內經為宗而論之  
有異也張一再傳其後無所聞李雖多門弟子又在中  
州人罕有知之者獨劉之學授之荆山浮屠師師來江  
南始傳太無羅知悌于杭太無宋寶祐中人受幸穆陵  
得給事禁中往往無有能受其學者又獨至烏傷朱君  
始能傳之初君之未從太無也手操陳師文裴宗元所  
定大觀二百九十有七方晝夜習焉既而悟曰古方新





病安有能相值者況是且殺人乃盡去渡淝河走吳中  
尋師而求其說久之不能得復走宛陵走南徐走建鄴  
皆無吳中時纍纍道途間方不知所適忽有以太無為  
告者遂遷抗拜之凡十往返不能通知乃立其門終日  
不動太無憐其志為敷暢三家之旨而一折以徑越數  
年悉受其學以歸鄉之群醫方泥陳裴之學聞君言皆  
大驚已而又皆大服翕然共尊事之君年既高所見益  
粹積其自得者類多前人所未發乃循門人張翼等請  
著為書若干篇名曰脈因證治持以示金華宋濂之竊  
受而讀之勤見其立言深察証詳未嘗不嘆君用志之

勤也蓋當大觀之方盛行世之人烏知其謂內經之學  
君獨奮不顧身崎嶇數千百里必欲求師而受其說雖  
險阻艱難更嬰迭挫曾不為之少動所以卒能成其學  
而使君之志稍變焉有今日哉傳曰用志不分其道乃  
成殆君之謂矣君之此書其有功於生民者甚大宜與  
三家所著並傳于世故濂得備書傳學用功之所自于  
篇端君名震字彥脩許文懿公之高第弟子公講學入  
華山時君即從之游而聞道最先剛明正直不可干以  
私論其制行如古賢者甚衆而醫學又特其一事云  
至正十五年冬十有一月南至金華宋濂書于浦陽東



丹溪朱氏脉因證治目錄

一卒尸 附魔

二痺

三瘰

四痿

五厥

六傷寒

七大頭腫痛 附蝦蟇瘟

八霍亂

九瘟病

十傷暑

十一瘰

十二疽

十三癆 勞極熱 勞瘵

十四熱

十五吐衄下血

十六下痢

十七泄

十八自汗

十九淋閉 附小便不禁腎臟風

二十頭目痛 附腦痛眉骨痛

廿一眩暈

廿二心腹痛 附胃痛

廿三腰痛 腰膝重痛附腰軟

廿四肩背 附脾痛

廿五脇痛 附身軀

廿六咳逆痰嗽

廿七喘 附哮



廿八宿食留飲附痰 廿九噯氣嘈雜吞痛附榮氣  
三十積聚附痰 三十一消渴 三十二痞  
三十三腫脹 三十四嘔吐噦 三十五噎膈  
三十六瘡傷 三十七癰疽附瘰 三十八乳癰  
三十九癩 四十癩癧 四十一丹疹  
四十二金瘡附油火湯犬傷 四十三頰仆  
四十四藥所中傷 四十五顛狂附癩 四十六驚悸  
四十七疝 四十八脚氣 四十九虫惑狐  
五十喉痺 五十一口 五十二舌  
五十三目 五十四耳 五十五鼻 五十六齒

五十七結燥 五十八痔漏 五十九婦人胎產  
六十帶下 六十一經候 六十二崩漏  
六十三小兒證 六十四雜論治  
六十五雜治 六十六五臟證 六十七七情證  
六十八雜脉 六十九察觀 七十汗法



丹溪朱氏脉證卷之一

贊曰

惟公明哲 資稟絕倫 存心聖學 醫道通神

慮彼虫蠹 嗜慾紛紛 立方設論 開覺後人

幾夭者壽 幾亡者存 百世之下 賴公之勲

一卒尸 附魔

脉寸口沈大而滑 沈則實滑則氣實相搏入

臟則死入腑則愈唇青身冷為入臟死身温

和汗自出為入腑則愈緊而急者為遁尸厥

呼之不應脉絕者死脉當大反小者死



因心氣虛有恐精神不全有熱遂為邪鬼所擊其  
證萬端如醉如狂世所謂衝惡是也 因風寒  
暑濕不正之氣中之虛卒然暈倒自依風寒暑  
濕中之治法治之又痰隨氣所使亦然難以中  
惡同論病有佞象宜消息之

證衝惡之病卒心腹脹滿吐利不行如乾霍亂或  
罵詈妄談如醉如狂登高悲泣呻吟不欲見人  
治宜證心神如降火 還魂丹治中惡已死

麻黃三兩 桂二兩 杏仁一百二十粒煎服  
桃奴丸治心氣有熱尸瘡厭喜驚癇

桃奴七箇另研 辰砂半兩研 桃仁十四箇研

玳瑁錢壹兩 牛黃壹錢研 龍腦壹錢研

麝壹錢另研 雄黃桃葉煮水飛

琥珀另研各錢 黑犀石上水磨半兩

安息香壹兩以無灰酒研飛去土

銀器中入桃仁琥珀熬成膏 右為末和入前

膏丸如鷄頭子大陰乾參湯送下

蘇合香丸 李用參膏大補

魔死 用半夏末吹鼻中

二痺



脉沈澁微瀼

因風寒濕三氣合而成之 寒氣勝者為痛痺

寒則陰受之故痛而夜劇 濕氣勝者為着痺

濕則飢肉筋着而不去 風寒勝者為行痺

風則陽受之故走注而旦劇

證作於陰雨之時及三九月太陽寒暑用事之時  
麻木不仁或仁不仁或痛不痛或筋屈而不伸  
或引而不縮寒則虫行熱則縱緩不相亂也皮  
痺不已而成肉痺肉痺不已而成脉痺脉痺不  
已而成筋痺筋痺不已而成骨痺久而不已內

舍其合難治矣

痺論中議痺乃三氣皆可容於五臟其風寒濕乘  
虛而容之故也其容於心則煩心上氣噎乾恐  
噫厥脹是也其容於肺使人煩滿喘而吐其容  
於肝多飲數溲小腹痛如懷妊夜卧則驚其容  
於脾四肢解墮發咳嘔沫上為大塞其容於腎  
蓋脹尻以代踵脊以代頭其容於腸數飲而小  
便不得中氣喘爭時發飧泄夫大腸乃傳導為  
沖和之氣三氣乘虛容之而和氣閉矣水道不  
通便糟粕不化故喘爭飧泄也其容於胞小腹



膀胱按之內痛若沃以湯小便澀上為清涕夫  
三容於胞中則氣不能化出故胞滿而水道不  
通隨經出竅其容於血脉隨脉流通上下升  
降一身謂之周痺

華陀論痺乃邪氣合四時不正之氣感於臟腑所  
為有氣血筋肉骨之分 其氣痺者愁思喜怒  
過則氣結於上久而不消則傷肺生氣衰邪氣  
勝留於上則胸腹痺而不能食注於下則腰脚  
重而不能行貫於舌而不言遺於腹則不溺壅  
則痛流則麻右寸脉沈而遲濇者是也 其血

痺者飲酒過多懷熱太甚或寒折於經絡或濕  
犯於榮衛因而血搏漸成枯削失血之證左寸  
脉結而不流利是也 其肉痺者飲食不節肥  
美之為肉不榮膚不澤則紋理踈三氣入之則  
四肢緩而不收持右關脉舉按皆無力而澀也  
其筋痺者由叫怒無時行步奔急溼邪傷肝肝  
失其氣寒熱客之流入筋會使筋急而不舒左  
關脉弦急而數浮沈有力是也 其骨痺者乃  
嗜慾傷于腎氣肉消而不能關閉禁邪氣妄入  
脉遲則寒數則熱浮則風濡則濕滑則虛治法



各隨其宜。麻木餘辯是風濕熱下陷入血分。陰中陽道氣不行其證合目則渾身麻亦有痰在血分。痒者血不榮肌腠。

治附子湯治風寒濕痺。附子炮去皮臍。桂枝

白芍藥。甘草。茯苓。參各三錢。木一兩

行痺加麻黃桂枝湯痛痺加附子姜茯苓湯。胞

痺加四苓。腸痺加平胃菜萸草肉豈菟等

戴人法苦劑涌寒痰次與痰劑使。白木除濕

茯苓養腎水。桂伐木。姜附寒勝則加

麻太方。參芪助湯道。歸行陰生甘草去腎熱

孽蒼 白木 茯苓除濕熱升麻 柴胡

芍藥 痰加二陳 忍冬藤膏治五痺拘挛

### 三症

因血氣內虛四氣外襲 因濕諸症項強皆屬

於濕寒濕同性故濕可傷太陽 三因論狀

身熱足寒頭強項急惡寒時頭熱面赤目脉

赤獨頭搖動卒噤角方反張皆因血虛筋無

所養邪因入之故寒則緊縮熱則弛張風則

弦急濕則脹緩又有因瘡口未合風入之為

破傷風濕入之為破傷濕與症但爭頭強項



急餘並相如 又有因汗下過多 又有產後怒氣致此病者 項強亦有痰者

証有汗而不惡寒名柔瘧無汗口噤脚挛名瘧治宜流濕祛風緩表而安詳有無汗而藥之

柔瘧葛根加桂湯 剛瘧大承氣湯下之有裏証可用葛根湯汗之有表証可用

### 四痿

脉浮而大浮虛大熱滑而大滑痰大虛洪而緩洪熱緩虛因腎水不能勝心火火上燠肺金六葉皆焦皮毛虛弱急而薄著者則生痿躄皆因貪慾好色之故

### 濕痰亦能為之

經論有由悲哀太甚陽氣內動數澀血大經空虛熱起于心病則樞紐如折不相提挈名曰脉痿有思想無窮入房太甚宗筋弛縱熱入于肝病則筋急而爪枯名曰筋痿 有由濕地以水為事熱生于脾病則胃乾而渴肌肉不仁名曰肉痿 有因遠行勞倦遇大熱而渴陽氣內之熱舍于腎病則腰脊不舉骨枯而髓減名曰骨痿 然此皆熱熏于肺之為也

經曰若衰火之炎痿躄則愈



証面黃身熱肌瘦往來寒熱涎嗽喘滿面浮 弱而不用者為痿外有痿即軟風也 柔風脚弱病同而証各異

治法獨取陽明陽明者胃脈也五臟六腑之海主潤宗筋宗筋主束骨而利機關也故陽明虛而然張以黃連解毒湯加歸等劑治之 李以甘寒瀉火苦寒瀉濕熱四君子補陽明虛清暑益氣湯治之 濕痰之為宜二陳湯加木苓孽治之 清暑益氣湯治熱傷肺氣虛成痿 眷一錢 汗少減半暑邪干衛身熱自汗甘濕補之

參救火傷氣 木 各半兩 蒼朮一錢除濕

甘草炙三錢益氣 歸三錢 升麻一錢 苦甘

平解飢熱風勝濕 葛二錢同升麻 陳皮半錢

澤瀉滲濕半錢 曲消食去痞半錢

五味九分酸寒收暑傷金 麥門三錢同五味

青皮二錢五分同曲 孽補水瀉熱三錢 知母

黃芩

健步丸治濕熱成痿 羌活 防風 柴胡 滑炒

甘草炙 姜酒洗 澤瀉各半兩 防已酒製一

川烏 苦參酒 桂一錢 愈風湯下



秘方氣虛四君子加蒼白朮苓朮 痰加竹瀝

血虛四物湯加蒼白朮黃蘗下補陰丸

濕痰二陳湯加蒼朮朮苓竹瀝

論瘡痲乃腎虛也舌不語 腎脉夾舌本腎氣厥至不足不行腎氣不順

五厥

脉沈微而不數謂之寒厥沈伏而必數謂之熱厥  
因因虛 因痰 因熱

証厥當分二種次分五臟寒厥為手足寒也陰氣勝則寒其由乃恃壯縱恣於秋冬之間則陽奪於內

精氣下溢邪氣上行陽衰精竭陰氣獨行故為寒厥熱厥為手足熱也陽氣勝則熱其由乃醉飽入房氣聚於脾胃陰氣虛陽氣入則胃不和胃不和則精竭精氣竭則四肢不榮酒氣與穀氣相搏則內熱而溺赤腎氣衰陽獨勝故為熱厥 五心煩熱有小腸熱者有心虛而熱者厥亦有腹暴滿不知人者或一二日稍知人者或卒然紊亂者皆因邪氣亂陽氣逆是少陰腎脉不至也腎氣衰少精氣奔逸使風促迫上入胃隔宗氣反結心下陽氣退下熱歸股腹與陰相助令身不仁又五絡皆會



于耳五絡俱絕則令人身脉俱動而形體皆無所知其狀如尸故曰尸厥正由臟氣相刑或與外邪相忤則氣鬱不行閉於經絡諸脉伏匿昏不知人厥有痰如拽鋸聲在咽中為痰厥 骨枯爪痛為骨厥 身直如掾為骭厥 手足搐搦為風厥 因醉而得為酒厥 暴怒而得為氣厥 喘而狂走為陽明厥 此皆氣逆之所為也

治李法痰用白朮竹瀝熱用承氣下之氣虛補氣四君子血虛補血四物 張法降心火益腎水通血和氣必先涌之

### 六傷寒

脉陽浮而陰弱謂之傷風 邪在六經俱強加之風傷陽故浮虛陽浮衛中風也陰弱榮氣弱也

脉浮緊而無汗謂之傷寒 寒傷榮實則衛虛寒傷陰故堅牢陽緊邪在上焦主欬嘔陰緊寒在下焦必欬利

脉浮頭項痛腰脊強病在太陽  
脉長身熱目痛鼻乾病在陽明  
脉弦胸脇痛而耳聾病在少陽  
脉俱沈細噤乾腹滿邪在太陽



脉俱沈口燥舌乾邪在少陰

脉俱微緩煩滿囊縮邪在厥陰

脉陰陽俱盛重感於寒而緊濇變為溫瘧 陰陽

俱盛傷寒之脉前病熱未已後寒復盛

脉陽浮滑陰濡弱更過於風乘變為風濕 陽浮

而滑陰濡而弱皆風脉也前熱未歇風來乘熱

脉陽洪數陰實大遇濕熱兩合變為濕毒 洪數

實大皆熱兩熱相合

脉陽濡陰弱而陰弦緊更遇濕氣變為陰疫

病發熱脉沈而細表得太陽名曰瘧

病太陽身熱疼脉微弱弦執名曰中時

若發時已身灼然熱名曰風濕 風濕為病脉陰

陽俱浮自汗出重身多眠睡齟齬語難小便不利更

被其下若被火者微發黃色劇者則驚癰時瘕瘕

若火熏則死矣

病太陽關節疼痛而煩脉沈細名曰濕痺

脉沈細而疾身冷則四肢冷煩燥不欲飲水狂悶

名曰湯厥

脉當有神不問數極遲敗當中有有力即有神焉神

者血氣之先



傷寒熱盛脈浮大者生沈小者死已汗沈小者生  
浮大者死

溫病二三日體熱腹滿頭痛飲食如故脈直而疾  
者八日死

溫病八九日頭身不痛目不赤色不變而反利脈  
來牒牒按之不彈手時大心下堅十七日死

溫病四五日頭痛腹滿而吐脈來細強十二日死  
溫病汗不出出不至足者死厥汗出堅脈強急

者生虛緩者死

溫病下利腹中痛甚者死熱病七八日不汗燥

狂口舌暴燥焦黑脈反細弱或代者死八日以

上反大熱死邪勝熱病七八日當汗反下脈絕

者死熱病得汗脈燥者死來轉大者死

厥逆呼之不應脈絕者死陽厥有力者生陰厥按  
之大者生

熱病七八日脈不躁喘不數後三日中有汗不汗  
四日者死

熱病脈濡小疾腹滿腹脹身熱不得大小便死

熱病脈浮洪腸鳴腹滿四肢清注泄死

熱病脈浮大絕喘而短氣大衄不止腹中痠死



熱病脈絕動疾便血奪形肉身熱甚死

熱病脈小疾效喘眩悸奪形肉身熱死

熱病腹脹便血脈大時時小絕汗出而喘口乾視不見而死

熱病脈轉小身熱甚死

熱病脈轉小身熱甚效而便血目陷妄言循衣縫躁擾不卧死

熱病嘔血喘欬煩滿身黃腹鼓脹泄不止脈絕死  
熱病瘈瘲狂走不能食腹滿胸痛引腰脊嘔血死  
脈浮而洪邪氣勝也 身體如油正氣脫也

喘而不休水漿不下胃氣盡也 体麻不仁榮衛

不行乍靜乍亂正邪爭也故為命絕也

熱病喘欬唾血手足腹腫面黃振慄不言名肺絕  
死丁日死後倣此

熱病頭痛嘔宿汁嘔逆吐血水漿不入口狂妄腹

大滿石痺絕死

熱病煩滿骨痛噎腫不可咽欬欬不能欬歌笑而  
哭名心絕死

熱病僵卧足不安地嘔血血妄血遺尿溺名肝絕

熱病喘悸吐逆骨痛短氣目視不明汗如珠名腎



絕死

太陽病脈反躁盛是陰陽交死得汗脈靜者生

少陰病惡病而蹠下利手足逆者死 又吐利躁逆者死

少陰病四逆惡寒而蹠其脈不至不順而躁者死

少陰病下利止而眩時時自冒者死 又七八日息高死

少陰病脈微細沈但欲臥汗出不煩自欲吐五六日自利煩燥者不得臥寐者死 若利止惡寒而蹠手足溫者可活

少陰病下利止厥逆無脈不煩服湯藥其脈暴出者死微細者生

傷寒下利厥逆躁不得臥者死下利至厥不止者

傷寒厥逆六七日不利便發熱而利者生汗出利不止者死 有陰無陽故也

傷寒五六月不結胸腹濡脈虛復厥者不可下下之亡血死

熱病不知所痛不能自收口乾陽熱甚陰頗有寒

熱病在腎渴口乾舌燥黃赤日夜飲水不止腹大脹尚飲目無精光者死



傷寒下利日十餘行脉反實者死

病者脇下素有痞而下至於臍旁痛引小腹入陰  
俠筋為臍結者死

結胸証悉具而躁者死 直視譫語喘滿者死  
若下利亦死

因房勞辛苦之過腠理開泄小陰不藏觸冒冬時殺  
厲之氣嚴寒之毒中而即病曰傷寒不即病寒毒  
藏於肌膚之間至春變為溫至夏變為熱病皆腎  
水涸春不無以發生故也皆熱不得發泄鬱於內  
遇感而發雖曰傷寒實為熱病春病溫夏為熱

病及瀉泄秋發痰瘧冬生咳嗽皆因感四時不正  
之氣總名之曰傷寒

証治自外而入內傳經絡

太陽証頭疼發熱惡寒腰脊強脉浮而緊無汗謂  
之傷風可汗宜麻黃湯脉緩自汗謂之傷風宜  
桂枝湯忌利小便重汗下大便

陽明証身熱目疼鼻乾不得卧不惡風寒而自汗  
尺寸脉俱長宜白虎湯浮沈按之有力宜大承  
氣湯 胃血也不主汗利忌汗利小便

少陽証往來寒熱胸脇痛而嘔耳聾脉弦宜和解



之小柴胡湯膽無少入水火之間下犯太陽汗  
利下皆不可忌利小便忌汗忌利大便

太陰証腹滿咽乾手足自溫自利不渴時腹痛脉  
沈細其藏寒宜四逆湯脉浮可汗宜桂枝湯又  
大實痛可下用詳 忌三法宜三法用詳

少陰証口噤舌乾而渴脉沈實宜大承氣湯脉沈  
細遲者宜用溫之四逆湯身涼脉沈細而虛宜  
瀉心湯身熱煩躁不寧大小便自利脉浮洪無  
力按之全無宜附子瀉心湯其吐瀉不渴脉浮  
弱理中湯主之渴而脉沈有力而疾宜五苓散

少陰証脉沈發熱當汗麻黃細辛附子湯 少陰  
証下利色不青當溫色青口燥當下脉弱忌下  
乾燥忌汗

厥陰証煩滿而囊縮大小便不通發熱引飲腹滿  
脉俱微沈實按之有力當下無力當溫厥陰乃  
二陰交盡曰厥陰為生化之源喜溫而惡清  
大抵三陰非胃實不可下此三陰無傳經止胃  
實可下也

太陽標本不同標熱 太陽發熱 本寒 膀胱惡  
故宜汗



陽明從中氣標陽 肌熱本實妄語 標陽故宜

解肌本實故宜下

少陽標陽發熱 本火 故惡發寒 前有陽明後有

太陰故宜和解

太陰標陰本濕腹脹滿或噎乾身目黃 從本治

宜泄滿下濕

少陰標陰爪甲青身冷 本熱 脉沈實 標宜濕

厥陰中氣宜溫煩滿囊縮故為熱宜苦辛下之

麻黃桂枝之輩汗而發之 葛根升麻之屬因

其輕而揚之 承氣陷胸之輩引而竭之

瀉心十棗之類中滿泄之 在表宜汗在裏宜下

在平表半裏宜和表多裏少和而少汗之裏多表

少和而微下之在上者吐之中氣與脉氣微者溫

之脉亦同法又當求本 假令腹痛用桂枝芍藥

湯何不用芍藥却於桂內加之要知從太陽中

來故太陽為本又如結胸麻黃亦然 劉法分病

及脉以上藏言之諸在皮者汗之麻黃湯內加表

之在內者下之麻黃細辛附子湯加下之 此言

藏者五藏也可通經入藏物之藏者府也方可下

麻黃湯治外証之外麻黃細辛附子湯治內証外



得肝脉外証善潔面青善怒脉弦前方加導活防  
内証滿秘便難淋瀝轉筋沈而弦後方加同前  
心脉外証面赤口乾善笑脉沈而洪前方加膏各三錢  
内証煩心心痛掌中熱而喘脉沈後方加同前  
肺脉外証面白善嚏悲愁欲哭脉浮而澁前方加  
内証喘咳洒淅寒熱脉沈後方加生姜桂枝  
脾脉外証面黃善噫善思味脉浮而緩前方加白  
木防已内証腹脹滿食不消怠惰脉沈後方加同  
腎脉外証面黑善恐脉浮前方加附子生姜内証  
泄如下重脛寒脉沈後方加同前 已前外証皆

表之表汗而發之内証者裏之表也漬形以汗如  
脉沈復有裏証裏証為發熱引飲便利赤濕泄下  
赤水或秘按之内痛此為裏証宜速下之依方加  
大黃三錢如邪又未盡復加大黃二錢 劉張又  
相繼論人多勞役飢飽者得之火化火擾治之宜  
以辛涼比及年少性急勞役豈非火乎遲脉年老  
之人可以辛溫解之故制双解散治諸傷寒時氣  
在表裏皆可服之 表裏証有相似藥不可差  
傷寒表証發熱惡寒而渴獨頭痛身熱目赤鼻乾  
不得卧乃陽明經病也白虎湯主之雜証裏証亦



同但目赤者藏病也脉亦洪大甚則嘔血先有形也乃乎太陰肺不足不能管領陽氣宜以枸杞地黄等物治之 補瀉當察虛實 假如洪弦相雜洪者也弦主也子能令母實又脉弦無表証是東方實西方虛也又前來者為實邪依此補瀉餘微表汗 通聖散 双解散

半表半裏

涼膈散

柴胡湯

裏下

右手脉實承氣湯

左手脉實 當湯

不

分浮沈但實可下血氣

主三承氣湯

温四逆

湯 真武湯

解利五苓散

解毒散

白虎湯

甘露飲

梔子湯

發黃茵陳湯

傷寒得傷寒脉

傷風得傷寒脉

假如太陽証頭

疼身熱自汗惡風脉當緩而反緊是傷風得傷寒

脉也餘以例推之

桂枝麻黃各半湯

羌活湯尤妙

吐瓜蒂散

瓜蒂

小赤豈

豆豉湯下一錢

結胸

脉浮大者不可下之下之必死大陷胸湯

半夏

連 姜

瓜蒂實

大陷胸丸

大黃炒 五錢

苦葶藶炒三錢

芒硝一錢

杏仁十二箇

丸如彈子大每服一九入甘遂末三字蜜半匙



水煎至半温服

六經餘証 太陽 瘧 汗多 熱利 誤下變証

陽明煩燥火入於肺煩也火入於腎燥也梔子豉

湯宿食加大黃 狂譫實熱 發斑胃火嘔吐噦

少陽潮熱 有平旦日晡之分詳見前

太陰 腹痛 有部分同雜証治 痞有虛實 實便

秘厚朴枳實 虛便利芍藥

少陰 心驚悸是雜証 吐瀉同霍亂証治 咽喉熱 甘草

寒吉梗 寒熱合二方 下利色清下不清温

渴逆 陰消陽逆或兼以舌穹語言不正昏冒

咽痛 大承氣

厥陰 羌活湯 解利傷寒不問何經并兩感傷

寒之列 羌活 防風 川芎 甘草炒 黃

芩各一兩地黃 細辛二錢半 白朮二兩

如身熱加石膏四錢 腹痛加芍藥三錢 往

來寒熱加柴胡一兩 半夏五錢 心下痞加

枳實一錢 裏証加大黃三錢 邪合止之

治疫 麻黃一兩 甘草一兩半 石膏 滑石

黃芩 白朮四兩 煎服表汗

解利 大羌活湯 治兩感傷寒 出李 防風



羌活 獨活 防己 白朮 甘草炙 黃芩  
黃連 蒼朮 川芎 細辛各三錢 知母  
生地黄 各一兩 白芷 陽明加之

雙解散 混解不問風寒 出張李劉皆用

梔子豉湯 出李

消毒飲 治疫癘時毒 黃芩 黃連 各半兩

連翹一錢 陳皮 玄參 各三錢 甘草 黍粘子

板藍根 馬勃 各一錢 人參 僵蚕 各一錢 吉梗 三錢

升麻 七錢 柴胡 五錢 薄荷 川芎 五錢

大黃 便硬加之 以水煎服

傷寒中寒說 傷寒為外寒鬱內熱 傷寒面慘

而不舒惡寒不惡風 中寒謂寒乘其膚腠不

分經絡踈豁一身無熱可發溫補自安此胃氣之大虛也

風濕不可汗下論 春夏之交病如傷寒自汗肢

體重痛轉側難小便不利此名風濕非傷寒也

因陰雨早濕或引飲多有此証宜多與五苓散

切忌汗下

四証類傷寒 傷食 右寸脈緊盛痞滿 脚氣 如傷

寒証但病起 痰証 浮而滑痞滿 虛煩 不惡寒不

陽毒 咽喉痛唾血面赤如錦文五六日可治



陰毒

身重背強腹中絞痛咽喉不利毒氣攻心  
心下堅嘔逆唇青面黑四肢冷脉沈細緊  
數身如打五六日可治

陰盛格陽

目赤煩燥不渴或渴不飲水脉七八  
至按之不數身冷肢冷諸陰証脉沈數而

陽盛拒陰

身表涼痛四肢冷諸陰証脉沈數而  
有力承氣主之

陽厥極深

或時鄭声指甲面色青黑勢困脉附  
骨教之有按之無因陽氣拂鬱不得  
榮運于四肢以致身冷先凉膈養陽

陰証

身靜重語無声氣難布息目睛不了鼻中  
呼不出吸不入口鼻中氣冷水漿不入口二  
便不禁面上惡寒有如刀刺

陽証

身動輕語有声目睛了了鼻中呼吸出入  
能往能來口鼻氣熱

傷風

氣出粗合口不開 面光而不慘 惡風不  
惡寒

傷食

口無味液不納息勻

兩感

一日太陽受之即與少陰俱病頭疼口乾  
煩滿而渴者是二日陽明受之即與太陰俱病  
腹滿身熱不飲食譫語三日少陰受之與厥陰

俱病煩滿囊縮水漿不入口不知人六日死

瘥太陽病發熱無汗反惡寒者名剛瘥 無汗為

表實惡寒為重感名剛瘥 太陽病發熱有汗

不惡寒者為柔瘥 表虛傷濕 其病身熱足寒頭

項強急惡寒時頭熱面赤目脉赤頭搖卒口噤

背反張



中濕 見前脉其病一身尽黄頭痛汗出欬水而不能飲反欲近火

頭汗 乃邪搏諸陽熱不得越津液上湊汗又見自手足汗 有邪聚於胃則便艱有寒則便溏不能食小便不利

煩燥 有熱傳於內

胸中有熱閔前洪數宜解

有虛 因汗吐下虛弱身不疼脉不緊數宜補之又初解胃弱強食胃脉浮洪

胎 皆心經之熱淺深也白而滑乃邪在表半裏也白而溢熱在裏也黃而乾熱在胃也

宜下

噦 皆胃疾或寒或妄下之虛

厥手足冷有寒有熱 先熱而後厥者熱伏于內

先厥而後熱者陰退陽氣復始得之便厥皆陽不足而陰勝也所主為寒

譫語四証 傷寒譫語屬陽明經乃胃有熱脉洪

大者是宜調胃承氣湯身不熱身困者謂之鄭

声病退人虛脉和宜冷補

婦人經來適邪氣乘虛入于血海 左關脉數湯者少柴胡

有邪崇者言語涉邪頗有意识脉 狀多變與病相連者是

氣喘七証 傷寒太陽証下之微喘者內虛外熱故也宜解其表飲水過多水停心下胸膈滿而



喘者宜利其小便

病本無喘因藥下之瀉止而喘其色已脫不治  
喘而四逆者不治 喘而噫者不治 喘而息  
口者不治 喘而目閉面裏者不治

目睛四証 傷寒至目睛不省人事此中風瘧証  
以藥開閉吐痰退眼開觀攻証治之

傷寒病已過經瘧退無熱人困不語脉和目睛謂  
之戴陽下虛故也

陽毒不解熱毒之氣伏於太陽之經故便目睛六  
脉弦勁漸作魚口氣粗者死

太陰疾潮上灌七竅兩目睛與小兒驚風之類可

舌卷唇焦 乃心肺熱極三焦津液不生可治舌

卷卵縮厥陰絕也死又云肝絕

厥逆幽悶三証 陰毒陽冷四肢逆冷心膈迷悶

默默思睡脉沈伏者是是

傷寒起汗下後又戰汗過多人困身冷不動者也

傷寒未三日身冷額上汗出面赤心煩者非陰毒

証謂之陰盛格陽陰氣并于外陽氣伏于內其

脉沈數也

咽乾二証 少陽証苦口咽乾乃膽熱也

胡小柴湯



少陰証口燥咽乾不腎熱津液不生宜下

惡寒三証 發熱惡寒發于陽脈浮數宜麻黃桂枝  
汗之 無熱惡寒發于陰脈沈細宜四逆溫裏  
發汗後反惡寒氣虛也脈微弱補虛芍藥附子  
甘草湯主之

惡風三証 汗出而脈緩宜桂枝加葛根湯身潤  
太陽病發湯過多亡陽胃虛惡風當溫其經宜  
桂枝加附子湯 風濕相搏骨節煩痛不得屈  
身汗出惡風不欲去衣宜甘草附子湯  
汗後熱并再傷八証 發汗不入格其病不解宜

再汗 發汗後再風傷邪而熱宜發汗 再傷  
風寒而熱隨証治之 汗後溫之熱脈弦小而  
數者有餘熱也宜和解之 汗後溫之熱脈靜  
身無痛處虛熱也宜平補之 汗後溫之熱或  
渴或煩或胸滿或腹急有裏証脈沈數宜下之  
勞力而再熱平解勞倦宜柴胡鷲甲散 過食  
而熱者宜消化其食

中暍 夏月發熱惡寒小便已洒然毛聳 脈弦細  
而抗暍宜白虎人參湯忌汗下

中暑 背寒面垢手足微冷煩燥引飲四肢不痛脈



浮宜五苓白虎

中濕 冬月冒寒至春夏再感非常之氣

風濕 先傷風後傷濕頭疼自汗體重息如喘但默

默欲眠尺寸脉俱浮

風濕脉浮 同前條下 濕濕先傷濕後中暑

濕毒 汗吐下表未罷毒邪入臟身有斑脉陽洪數

陰實大

濕疫 衆人一般脉陽虛弱陰弦緊

潮熱 甲申時氣也胃實宜下 寒熱相繼在他時

太陽病熱在寅卯少陽在巳午 汗自出太陽經

自汗榮弱衛強也 中風太陽脉緩 風濕身重

多腫脉浮緩也

風濕脉 沈而細齟同前下 少陰咽痛拘急四肢

疼厥逆自汗亡陽也

太陽亡陽自汗 柔痙同前痙下

除中者死 傷寒六七日脉遲下利而熱合與黃芩

湯徹其熱腹中惡冷當不能食今反能食名曰除

中脾經受邪則下利而熱合與黃芩邪熱未去而

胃氣先去

禁忌 厥陰心痛發斑不欲食食則吐虵下則利止不



諸四肢厥逆不可下五六日不結胸腹痛滿脈虛  
復厥者不可下當下反汗之必口爛  
少陽脈沈細數病在裏忌汗微者忌汗尺脈弱瀉  
者復不可下之 太陰腹滿吐食不下自利時腹  
自痛忌下下之胸下結硬脈弱自便利雖用下宜  
減之 少陽不可汗忌利小便忌利大便犯之各  
隨上下前後本變及中變諸變例 太陽小便不  
利不可利之利之邪氣入裏不能解 咽乾淋瀝  
小便不利曾汗不可汗在表不可下下之動血  
誤犯之成結胸痞氣汗之成血畜於胸中當汗而

下之成協熱利

太陽症一下有八變 脈浮者必結胸 脈者必咽  
弦者必兩脇拘急 細數者頭疼不止 沈緊者  
必欲嘔 沈滑者必熱利 浮滑者必下血  
陽明不當發汗 發汗成畜血上焦為衄 不當下  
下之血畜下焦發狂 有年夏患時熱狂妄服附  
者愈服寒涼者死 足太陽未渴小便清者禁利  
咽乾禁汗成畜血 禁下太早已渴五苓散 謔  
語朝熱大渴宜下 足少陽三禁 胃實可下  
足太陰禁下 足少陰脈沈口燥咽乾而渴禁汗



脉溢而弱禁下 三陰非胃實不可下 治三焦  
便有膽 少陽經作風治不宜汗下利小便 治  
心便有駱少陰故本熱標寒故脉沈細按之洪大  
用承氣湯酒製熱飲是也 治膀胱便有小腸太  
陽故本寒標陽故脉緊數按之不鼓而空虛用姜  
附寒飲頓服 治肺便有脾太陰故寒因寒用大  
黃枳實下之 治陽明純腸大腸喜熱惡清當以  
熱治寒也絡宜清當以寒治熱

許學士解利外感 傷風者惡風用防風二錢甘草  
麻黃一錢 頭痛加川芎 項背腰痛加羌活

身重加蒼朮 肢節痛加羌活 目痛鼻乾及痛  
加升麻 或乾嘔或寒熱或脇下痛加柴胡

傷寒者惡寒 麻黃二錢 防風 甘草 一錢  
頭沈悶加羌活一錢 凡治傷寒以甘草為君

防風白朮為佐是寒宜甘寒也看他証加減  
傷風以防風為君 甘草白朮為佐是風宜辛散

其傷寒表証以石膏 活石 知母 甘草 葱  
豉之類汗出即解 如熱半表半裏與小柴胡汗  
出而愈 熱甚大柴胡以之更甚小承氣 裏熱  
甚大承氣發黃者茵陳蒿湯下之 結胸湯下之



內傷見于右手內傷躁作寒已寒作躁已不相併  
但有間且晡時必減乃胃氣得令潮作之時精神  
困倦乃其氣不足

外傷見于左手外傷但無間耳晡時必作劇乃邪  
氣盛潮作之時精神有餘乃邪氣勝 寒熱不能  
風邪能食 表虛不作表虛治或勞役于涼處解  
衣或陰處新浴表虛為風寒所遏切不可妄解表

七大頭腫痛 附蝦蟇瘰

因陽明邪熱太甚故資實少陽相火而為之也溫熱  
為腫痛治之視其腫勢在何部分隨經而取之是

天行也 治 芩炒 連炒 甘草 大黃煨

黍粘子 炒 芒硝 陽明渴加石膏 少陽渴加

瓜蒌根 陽明行經升麻 芍藥 葛根 甘草

太陽行經加羌活防風

蝦蟇瘰

因風熱 治解毒丸下之側柏葉自然汁調蚯蚓糞

付燒灰大炒 車前葉服 或丁香夾附子尖南

星醋磨付皆可 五葉藤汁付

八霍亂

脈微澁或代或伏 滑者為霍亂 大者生 微遲



者死 脉洪者熱 脉弦滑者隔有宿食身却熱不  
 因其氣有三 一曰火 二曰風 三曰濕 邪在  
 上焦則吐 下焦則瀉 中焦則吐——既且利吐  
 為暈熱也瀉為濕也風勝則動故轉筋也或因大  
 渴而大飲或飢或飽甚傷損胃氣陰陽交爭而不  
 和此為急病也不死如乾霍亂而不得吐利必死  
 証其狀心腹卒痛嘔吐下利增寒發熱頭痛眩暈先  
 心痛則先吐先腹痛則先下小腹俱痛吐利並作  
 甚則轉筋入腹則死不然則吐瀉  
 乾霍亂者忽然心腹脹滿絞刺痛欲吐不吐欲利

不利須臾則死以塩湯大吐之佳 外有衝惡病 同而各異

治五苓散 治熱多飲水 閉上脉洪者熱也宜解

理中丸 治寒多不水身不熱者半夏湯 治霍

亂轉筋吐利不止身痛不止者宜加桂枝湯

半夏曲 茯苓 陳皮 白朮 薄桂 甘草

和解散治霍亂 此條內有所積外為邪氣所遏 甚用吐法

二陳湯 和解散 川芎 蒼朮 防風 白芷

九瘟病

証衆人一般者是

治有三法 宜補 宜散 宜降 大黃 芩 連



參 吉梗 蒼朮 防風 滑石 香附子

人中黃 神曲丸送下 隨宜氣虛四君子血虛四

物湯 痰二陳湯 熱甚童便作湯送下

春夏不服麻黃 秋冬不服桂枝 夏不服青龍 冬不服白虎

十傷暑

脈虛則身熱 或浮自汗 自汗者火動而散故也

因夏火太熱損傷肺金元氣其感有二動而得之乃

辛苦之人動而火勝熱傷氣也脈洪而大靜而得

之乃安樂之人靜而濕勝火勝金位脈沈而實

証治暑喜歸心入心則噎塞昏不知人入肝則眩暈

入肺則喘滿痿痺入脾則昏腫不覺入腎則消渴

病則怠惰嗜卧四肢不收精神不足兩脚弱 頭

疼惡熱躁熱大渴引飲大汗因動而中白虎加人

參湯主也 頭疼惡寒拘急肢節疼大熱無汗因

靜而中大順散 白虎加蒼朮有陰勝陽之裡甚

則傳腎肝為痿厥清暑益氣湯主之

凡中暈死切忌與冷水涼處須以湯宜黃連圓

心虛傷暑身熱頭痛煩滿而渴五苓散主之

肺虛傷暑身熱煩悶而喘白虎主之 脾虛傷暑則

為痰瘧常山飲主之 黃連香薷湯治暑 挾痰



加半夏 虛加芩苳清暑益氣湯治暑傷金虛甚  
玉龍丸曾用治暑 油炒半夏姜汁丸 補中益  
氣湯治注夏痰滲二苓湯 治春夏之交病似傷  
寒自汗体重痛難轉側此名中濕 澤瀉一兩  
滑石二兩 茯苓 猪苓 朮半兩  
暑風挾火痰實者可用吐法 玉龍丸治暑泄瀉  
或二便秘 煇硝 明礬 滑石 硫磺一兩  
白面六兩 水丸水下

十一癰

脈癰脈自弦弦數多熱弦遲多寒 弦小緊者可下

弦遲者可溫之 緊數者可汗之灸之 浮大者  
可吐之 弦數者風發也以飲食消息止之

因夏暑舍于榮衛之間腠理不密遇秋之風玄府受  
之慘愴之水寒氣閉而不出舍于腸胃之外與榮  
衛並行晝行于陽夜行于陰併則病作離則病止  
併于陽則熱併于陰則寒淺則日作深則間日在  
氣則早在血則晏 因汗鬱成痰 因虛弱陰陽相乘  
外因從六淫有寒痺溫痺濕痺 寒則先寒後熱  
溫則先熱後寒 痺則但熱不寒 溫則身重骨  
節疼 牝則寒多不熱



內因由臟氣不和鬱結痰飲所致有肝心脾肺腎之  
說 見後 不內外因疫癘一歲之內大小相似  
鬼癘夢寐不祥 痺瘡乍有乍已 食癘因飲食  
得之 勞瘡因瘡得之 毋瘡有母 傳染者也  
李論夏傷于暑秋為痲瘡 暑者季夏濕土濕合不  
行則土虧矣所勝妄行木氣大過少陽主也所生  
者受病則肺金不足不勝者侮之 水勝土之分  
土者坤坤在申申為相火水入土則水火相干則  
陰陽交作肺金不足洒淅惡寒土虛少陽乘之則  
為寒熱發于秋者濕熱則卯酉之分也

証治先寒而熱謂之寒瘡熱而寒謂之溫瘡治之宜  
乎中也中者少陽也渴者躁勝也不渴者濕勝也  
又有得之于冬而發于暑邪舍于腎足少陰也  
有藏之于心內熱畜于肺手太陰也 但熱而不  
寒謂之痺瘡足陽明也 在太陽經謂之風瘡宜  
汗之 陽明經謂之熱瘡宜下之 少陽經謂之  
風熱宜和之此傷之淺也 在陰經則不分三經  
謂之溫瘡宜從太陰經論之此傷之重也  
太陽經頭重腰痛寒從背起先寒後熱 宜小柴胡湯  
少陽經心体解体寒熱不甚惡見人多汗出 甚小柴胡湯



陽明經先寒久乃熱熱大汗喜見冒火乃快宜桂枝二白虎一湯  
少陰經嘔吐煩悶熱多寒少欲閉戶而處病難已小柴胡加半夏湯  
太陰經好太息不嗜食多寒熱汗出病至喜嘔中湯乃衰理  
厥陰經小腹腰痛小便不利意恐懼四物練附子湯  
心瘧煩心甚欲得清水反寒多不甚熱宜桂枝黃湯  
肺瘧心寒甚熱問喜驚如有見者桂枝加芍藥湯  
肝瘧色蒼蒼然太息其狀若死通脈四逆湯  
脾瘧寒則腹痛熱則腸鳴已汗出小建中湯芍湯藥甘草湯  
腎瘧腰脊痛宛轉便難目眴然手寒桂枝加芍藥湯  
胃瘧旦病也善飢不能食能食而腹滿腹脹理中湯丸主之

勞瘧經年不差後復熱作微勞力不任名曰勞瘧  
母瘧百藥不差結成癥癖在腹脇名曰瘧

治雖不同瘧得于暑當以汗解或汗不出鬱而成瘧宜  
以養胃化痰發汗邪氣得出自然和也 虛則補  
之脈洪數無力者是也

羌活湯治邪氣淺在表 羌活 防風 甘草  
惡寒有汗加桂枝 惡風無汗加麻黃吐加半夏  
麻黃桂枝湯治夜瘧此中散血中風寒  
麻黃一兩 桂枝二錢 甘草三錢 芍藥五錢  
杏仁三十粒 邪氣深而入血故夜以杏仁散血中邪



桂枝石膏湯治邪深間日

桂枝五錢 石膏

知母半一兩 黃芩一兩

汗出不愈為內實外虛

寒熱大作必傳入陰太陽陽明合病加葛芍寒熱

轉大太陽陽明少陽合病加柴胡半夏甘草

黎芦散 治久瘧欲吐不能吐宜吐之 黎芦為末

溫蠶水調下半錢以吐為度

張法 白虎加參湯 小柴胡 五苓散 神枯丸

治服前三方未動次與之承氣湯 治甚者

甘露飲調之人參 柴胡 飲子補之 常山飲

老瘧丹 治老瘧係風暑入陰在臍用血氣

川芎 台芎 桃仁 紅花 當歸 蒼朮

白朮 白芷 黃蘗 甘草 水煎露一宿次早

瘧母丸 治瘧母食瘧

鷺甲 醋煮 三稜 莪朮 醋煮 香附子

阿魏 食積加之醋化

截瘧丸 先補藥表藥徹起陽分方可截

川芎 草薺 知母 檳榔 烏梅 川山炒甲

甘草 炙 用水一大碗煎半碗露一宿 臨發時溫

一補一發丹 治久瘧內傷扶外邪間 痰外以汗解

半夏 茯苓 陳皮 柴胡 黃芩 蒼朮



常山 葛根 虛加參朮補氣甚加苓連 有一  
人夏感脉沈細服之愈

常山湯治胎婦瘧 常山二兩 苓三兩 石膏八錢

烏梅 十四箇 甘草一兩 煎服之

不二散 白麵二兩 砒一錢 和勻以香油一斤

煎之色黃用草紙壓之去油為末入江茶 每服

神妙截瘧 木通川者 秦芫去芦 川山甲 醋炙

常山各等 辰砂 半錢 另 烏梅 七個 大棗 七箇

右以水三盞煎至半入酒一盞再至半先刮砂棗

服次服藥

### 十二疸

脉証 脉沈渴欲飲水小便不利皆發黃 脉沈乃

陽明畜熱喜自汗口 出入水熱鬱身腫發熱不渴

者黃汗 脉緊數乃失飢發熱大食傷胃食則腹

滿者殺疸 數為熱熱則大食緊為寒寒則腹滿

脉浮緊乃因暴熱浴冷水熱伏胸中身目面悉如

陽明病脉遲者食難用飽飽則發煩頭眩者心小

便難欲作殺疸 脉沈弦或緊細因飲酒百脉熱

當風入水慎懷心煩足熱者酒疸

其脉浮欲嘔者先吐之沈弦者先下之 脉浮緊



乃大熱交接入水腎氣虛流濕于脾額黑日晡熱  
小腹急足下熱大便黑時澹名女勞疸腹如水狀  
不治 脉寸口近掌無脉口鼻冷不治 其病身  
熱一身尽痛發黃便溢

因內熱入水濕熱內鬱衝發胃氣病雖有五皆濕熱  
治諸黃家但利其小便愈假令肝浮以汗解之如便

通汗自當下之愈當以十八日為期治之十日以  
上為差反劇者難治 治法以疏濕利小便

清熱或汗之 五苓加茵陳黃連類

茵陳梔子湯 茵陳 一兩去莖 大黃 半兩 山梔 十箇

豆豉煎湯下

五苓散 熱加苦參 渴加瓜蒌根 便溢加葶藶

素熱加連

茵陳蒿湯治黃疸寒熱不食則頭眩心胸不安者是  
滑石石膏丸治女勞疸 証見題下

滑石 石膏 研末下粥飲便利則止

十三勞 勞極熱勞瘵

脉男子平人脉大為勞 極虛為勞 浮大為裏虛  
男子脉虛弱細微者善盜汗 男子脉虛沈弦無  
寒熱短氣裏急小便不利面色白時目瞑喜衄



諸孔動微緊男子失精女子夢交 脈沈小遲名  
脫氣其人疾行則喘手足寒腹滿甚則溇泄食不  
消 脈弦而大則為芤弦則為減女子漏下男  
子失精 脈微弱而溢為無子精氣清冷尺脈弱  
寸強胃絡脈傷 安卧脈盛謂之脫血 微數不  
成病不可勞 脈舉之而滑按之而微看何部  
以知其藏 尺脈滑而溢下虛也 尺滑而溢疾  
為血虛 脈數骨肉相失声散嘔血陽事不禁晝  
涼夜熱者死 脈輕手則滑重按則平看何經  
而辯其府 寸弱而微者上虛也

因喜怒不節起居不時有所勞傷皆損其氣氣衰則  
火旺火旺則乘其脾土而胃氣元氣散解不能滋  
養百脈灌注臟腑衛護周身百病皆作

証百節煩疼胸滿氣短心煩不安耳聾鳴眼黑眩寒  
熱交作自汗殫泄四肢怠惰者外有脾痺中風濕  
痺病傷暑骨熱不同

治法以甘寒瀉火甘濕補中溫之收之

十全散 四物湯治血虛 四君子湯治氣虛加  
升麻柴胡補中益氣湯

牛膝丸 治腎肝損骨痿不能起床筋緩不能持



草薺炒 杜仲炒 菝葜酒浸 兔絲酒浸  
牛膝酒浸治 菝葜治肝各等分 桂半兩

酒煮猪腰子丸 梧桐子大空心酒下亦治腰痛

腎氣丸 治腎脾不足房室虛損宜此榮養血以

益腎腎若燥以辛潤之致津液故用川芎薑酸以

收之故用五味蓋神方也

蒼木一汭浸 熟地黄一 五味半 川姜冬一

夏半兩 秋七錢 右為末用棗肉丸米飲下

地黄煎丸 解勞生肌活血 生地黄汁 藕汁

杏仁汁 姜汁各五升 薄荷汁 鵝梨汁

法酒 二升 沙蜜 四兩 已上燉火熬成膏後入藥

柴胡 三兩 秦元 去芦 桔梗各二 熟地黄四兩 酒浸

木香 枳殼炒 栝子仁炒 山藥 茯苓

遠志 去心 人參 白木各一 麝半兩 另研

右為末和前藥丸如梧桐子大甘草湯下

辛苦勞 柴胡 參 菝葜炒 甘草

牡蠣散 治諸虛不足津液不固自汗牡蠣煨取

麻黃根 菝 或加秦元 柴胡 小麥同煎

麥門冬湯 治大病後虛煩則熱不得解不卧

半夏 竹茹 陳皮 茯苓 麥門冬 參



炙甘草湯 治虛勞不足汗出而悶脉結心悸  
酸棗仁丸 治虛勞虛煩不得眠者

棗仁兩炒一 參 桂心 錢知母 茯苓 錢石膏兩

固精丸 治精愈滑牡蠣砂鍋 煨醋淬七次 醋糊

丸梧桐子大空心塩酒送下

參歸散 治骨蒸勞 比知母炒參炒秦艽去

北柴胡 同木炒 驚甲 秦艽湯浸七宿 前胡各半

川常山 酒浸三 川歸胡同柴 甘草 白茯苓七錢

地骨皮 烏梅 三箇 水煎服

脾胃虛本經 宜四君子肝乘之脇痛口苦往來

寒熱而嘔四肢滿悶淋瀝便難轉筋腹痛宜

柴胡 羌活 防風 獨活 川芎 桂 芍藥

白朮 茯苓 猪苓 澤瀉 黃蘗 細辛

滑石 心乘之宜連 芩 蘗 芍 地黃

石膏 知母 肺受病痰嗽短氣懶語嗜卧洒

浙寒熱宜補中益氣湯 水海浸作涎清涕肩

甲腰脊痛冷泄宜乾姜木附烏蒼木桂茯苓

勞極熱 勞者神不寧 肝勞實熱閉格牢澁閉

塞不通毛悴色夭

肝勞虛寒口苦關節痛疼筋牽縮煩悶



心勞實熱口舌生瘡大便閉澀心滿痛小腸熱  
心勞虛寒驚悸恍惚多忘夢寐驚魘神志不定  
脾勞實熱四肢不和五臟年戾脹滿肩息氣安  
脾勞虛寒氣脹滿咽食不通噫宿食臭

肺勞實熱氣喘鼻張面目苦腫  
肺勞虛寒心腹冷氣逆遊氣胸脇氣滿從脇  
違背痛嘔逆虛之

腎勞實熱小腹脹滿小便赤黃未有餘瀝數小  
莖中痛陰囊生瘡

腎勞虛寒恐慮失志傷精嘔吸短氣遺泄白濁

小便赤黃陰下濕痒一腰脊如折顏色枯悴  
盡力謀慮則傷肝 曲運神機則心勞  
意外致思則脾勞 預事而憂則肺勞  
矜持志節則腎勞

極者窮極無所養也

筋實痠而兩脇下痛不可轉動脚下滿不得遠行  
脚心痛不可忍手足爪甲青黑四肢筋急煩滿  
筋虛好悲思四肢嘔呼脚手俱挛伸動縮急腹內  
轉痛十指甲疼轉筋甚則舌卷卵縮唇青面色蒼  
白不得飲食 脉實氣衰血焦髮落好怒唇舌赫



甚則言語不快色不澤飲食不為飢膚 脉虛虛  
則欬欬則心痛喉中介介如梗甚則咽~~腫~~唾 脉肉  
實肌痺淫淫如鼠走津液開腠理脫汗大泄或不  
仁四肢急痛或腹緩弱唇口壞皮膚變色  
内虚体重怠惰四肢不欲舉關節痛疼不嗜飲食  
飲食則欬欬則<sup>右</sup>脇下痛陰引背及肩不可轉動  
氣實喘息衝胸常欲自恚心腹滿痛内外有熱煩  
嘔不安甚則嘔血氣短乏不欲食口燥咽乾 氣  
虚皮毛焦津液不通力之腹脹甚則喘急氣短息  
塞晝差夜甚 精實目視不明齒焦髮落形衰通

身虛熱甚則胸中痞痛煩悶泄精 精虛厄羸驚  
悸夢泄遺瀝小便白濁甚則莖弱核微小腹裏急  
骨實熱耳鳴面色焦枯隱曲膀胱不通牙腦苦痛  
手足酸疼大小便閉 骨虛面腫垢黑脊痛不能  
久之氣衰髮落齒槁腰背相引痛甚則喜唾不了  
煩熱 内熱曰煩 外熱曰熱 身不覺熱頭目昏  
痛口乾咽燥不渴清清不寢皆虛煩也 平人自  
汗小便頻併遺泄白濁皆憂煩過度大病虛後煩  
悶謂之心虛煩悶

古今錄驗五蒸湯治五蒸病 甘草 一兩炙 人參



知母 黄芩 各二兩 茯苓 熟地黄 葛根 各三  
竹葉 二把 石膏 五兩碎 粳米 二合 右吹咀

以水九升 煮取二升半 分為三服 亦可以先煎小  
麥水 乃煎藥 忌海藻 菘菜 蕪荑 大醋

實熱 黄芩 黄蘗 黄連 大黄

虛熱 氣也 烏梅 秦艽 柴胡

血也 青蒿 鱉甲 蛤蚧 小麥 牡丹皮

肺鼻乾 烏梅 天門冬 麥門冬 紫苑

皮 唾舌白 石膏 桑白皮

膚 嗜昏昧 牡丹皮

氣 遍身氣熱 人參 黄芩 梔子

大腸 鼻右孔乾痛 大黄 芒硝

脉 唾白浪 語脉絡溢 脉緩急不調 生地黃 當歸

心舌乾 黄連 生地黃

血 髮焦 地黄 當歸 桂心 童便

小腸 下唇焦 赤茯苓 木通 生地黃

脾 唇焦 芍藥 木仙 苦參

肉 食無味而嘔 煩躁不安 芍藥

胃 舌下痛 石膏 粳米 大黄 芒硝 葛根

肝 眼黑 川芎 當歸 前胡



筋 甲焦 川芎 當歸

膽 眼白失色 柴胡 括萎

三焦 乍熱乍寒 石膏 竹葉

腎 兩耳焦 生地黃 石膏 知母 寒水石

腦 頭眩悶 地黃 防風 羌活

髓 髓沸骨中 天門冬 當歸 地黃

骨 齒黑腰痛足逆 鱉甲 地骨皮 當歸 生地黃

肉 肢細膚腫府藏俱熱 石膏 黃蘗

胞 十便赤 澤瀉 茯苓 滑石 生地黃 沈香

膀胱 左耳焦 澤瀉 茯苓 滑石

外似 胸中煩熱 肝中寒

煩悶 肝中風 中暑 中風濕 心痺 脾痺

五心煩熱 小腸熱 心虛熱 足下熱 酒疸

女勞疸 日晡熱 如疸

勞瘵 因脉虛 痰與血病

証其病俗名傳尸雖多種不同其病與前人相似大畧令人寒熱盜汗夢與鬼交遺泄白濁髮乾而聾或腹中有塊或腦後兩邊有小孩數箇成聚或散沈沈默默咳嗽痰涎或咯膿血如肺痿肺癰狀或



復腹下利羸瘦困乏不自勝持雖不同証其根多有虫嗜心肺一也

治 青蒿 一斗半 童便 三斗 文武火熬至七分去蒿再熬至一升入猪胆汁七箇辰砂栴榔末再熬教沸甘草末收之

治 虛勞痰 四物湯 竹瀝 姜汁 尿 或加參

三拗湯 治 傳尸 勞瘵寒熱交攻久嗽一咯一

血一羸一瘦 先服此方後服蓮心散萬無失

麻黃 生甘草 杏仁 不去皮尖炙姜棗煎服

痰清則止

蓮心散 歸 芪 甘草 炙 鱉甲 醋炙 前胡

柴胡 獨活 羌活 防風 防己 茯苓

半夏 黃芩 陳皮 阿膠 官桂 赤芍

麻黃 節 杏仁 蓮肉 吐 天南星 一錢 川芎 一兩

芫花 醋炒黑乾 枳殼 炒 除芫花每服二錢半水小

盞半姜三片棗一枚入芫花一抄煎至八分服須

吐有異物漸減芫花盞盞及甘草殺虫少之

調 治 傳尸 勞神 効

混 餽 餽 皮 一 具 醋 浸 一 宿 焙 乾 鱉 甲 炙 桔 梗 芍 藥

胡黃連 大黃炒 甘草 鼓心 苦參 貝母



秋石另草龍膽 知母 麩蜜炒 芒硝 火飛  
犀角一錢 蓬朮一箇

右煉蜜為丸溫酒下二十九腸熱食前膈熱食  
後一月平安

白鐵塵 治瘰癧

十四熱

脈浮大而虛為虛 脈細而實為實 脈沈細或數者皆死

病熱有火者心 脈洪是也無火者死沈細是也

脈弱四肢厥不飲見人食不入利下不止死

因因心火為之心者君火也火旺則金燥水虧為火獨存

証治暴熱病在心肺 積熱病在腎肝 虛熱如不

能食而熱自汗氣短屬脾虛治宜甘寒溫而行之

實熱如能食口乾舌燥便難者屬胃實治宜辛苦

大寒下之 火熱而鬱乃心火下陷脾土抑而不

伸五心熱宜汗之發之 心神煩亂血中伏火病

蒸蒸然不安宜鎮陰火硃砂安神丸主之蒸勞熱

乃五臟瘁損病久焦悴盜汗下血宜養血益陰

陰虛而熱者用四物加葶

治法小熱之氣涼以和之大熱之氣寒以取之甚熱

之氣汗而發之發之不尽則逆治之



又治法養血益陰其熱自治經曰壯水之主以制陽  
光輕者可降重則從其性而伸之

李論外有元氣虛虛而熱有五臟而熱有內伸而熱

輕手捫之則熱重之則不熱在皮毛血脉也 輕

按之不熱重至筋骨熱蒸手足甚筋骨熱也 不

輕不重而熱在肌肉也

此三法以三黃丸通治之

肺熱者輕按之瞥瞥見於皮毛日西甚其証喘咳洒

浙寒熱熱者瀉白散重者涼膈白虎地骨皮散

心熱者微按之熱見於血脉日中甚其証煩心心痛

掌中熱而吮以黃連瀉心湯導赤散朱砂安神丸

肝熱肉下骨下熱寅卯間甚脉弦四肢滿悶便難轉

筋多怒驚四肢困熱筋痠不起床瀉青丸柴胡子

脾熱輕重之中見於肌肉夜甚怠惰嗜卧無氣以動

瀉黃散調胃承氣治寒熱補中益氣湯治虛熱

腎熱按至骨蒸手如火困熱不任起床宜滋腎丸六味地黃丸

平旦潮熱熱在行陽之分肺氣主之白虎加蒼

日晡潮熱、在行陰之分腎氣主之地骨皮牡丹皮知母葶

木香金鈴子散治暴熱心肺上喘不已

大黃五錢金鈴子三錢木香三錢 輕粉 朴硝



右為末柳白皮湯下三錢以利為度喘止亦止

牛黃散治上焦煩不得卧睡 大黃 梔子 蔚金 各五錢 甘草 二錢半 煎服微利則止

黃牛散治相火之氣游走臟腑大便閉 大黃 一兩

牽牛頭末 半兩 酒下三錢以利為度此不時時熱 溫熱也

大金花丸 葶 連 苓 梔子 大黃 便實則加

煎丸任用或腹滿吐嘔欲作利加半夏茯苓川朴 生薑如白膿下利後重加大黃

涼膈散退六經熱 連翹 梔子 大黃 薄荷

甘草 一兩半 荅 各半兩 朴硝 二錢半 如咽噎不利

腫痛并涎漱加桔梗 一兩 荆芥 半兩 欬而嘔加半

夏三錢 姜煎 鼻衄嘔血加芍藥地黃 如淋閉

加滑石 四兩 茯苓 一兩 或悶而通腹下収如覆

碗痛悶難忍乃腸胃乾涸膈中氣不下先用木香

三錢 沈香 三錢 酒下或八正散甚則宜上涌之

當歸承氣湯 治陽狂奔走罵詈不避親疎此陽有 條陰不足

歸 大黃 芒硝 各一兩 甘草 半兩 每二兩姜棗煎

牛黃膏 治熱入血室發狂不認人

牛黃 二錢半 朱砂 蔚金 各一兩 甘草 半兩 腦子 錢一

牡丹皮 三錢 右煉蜜丸 皂子 大水下



三黃丸治實熱能食者 能食為實熱也

白虎湯治表熱惡寒而渴者

柴胡飲子 治兩脇下肌熱脉浮弦者 寅中者

四順飲子 治一身盡熱日晡肌熱皆血熱也

桃仁承氣 治血熱夜發熱者

潮熱者 黃芩 生甘草 辰戌時發加羌活 午

間發黃連 未時發石膏 申時柴胡 酉時麻

夜間當歸根如有寒者加黃芪參朮

兩手大熱為骨厥如在火中可灸湧泉五壯立愈

地黃丸 治久新憔悴瘦汗發熱腸辟下血骨蒸痿

弱無力五臟齊損不能運動煩渴皮膚索繹食後更

宜當歸飲子

熟地黃一兩 山茱萸 山藥各四兩 牡丹皮 白茯苓

澤瀉各三錢 右煉蜜為丸梧子大每服五十丸酒下

當歸飲子 柴胡 人參 苓 甘草各一兩 大黃

當歸 芍藥各三兩 滑石 三兩 姜煎服 如痰實

咳嗽加半夏如米穀不化完出淋瀝驚悸上下丸

朱砂安神丸 治心神煩亂怔忡兀欲吐胸中氣

亂而熱似懊懷狀皆是膈上血中伏火朱砂一錢

連一錢半 甘草五分 生地黃 五錢 歸半錢

酒製



餅丸津下如心痞食入反出如大黃味除生地黃

當歸補血湯 治肌熱燥熱目赤面黃紅煩渴引飲

日夜不息脈浮大而虛重按之全無為血虛發熱

証似白虎惟脈不長 黃芪 當歸錢酒製熱服

火劑湯 芩 連 萸 梔

火鬱湯 治四肢熱五心煩熱因熱伏土中或血虛

得之或胃虛多食冷物抑遏陽氣於土中

羌活 升麻 葛根 芍藥 參各半兩柴胡

甘草 炙各三錢 防風 二錢半 葱白三寸煎服

朱砂涼膈丸 治上焦虛熱肺腕咽膈有氣如烟上

連 梔子各一兩 參 半兩 朱砂三錢 腦子 五錢另

茯苓 五錢 右蜜丸朱砂為衣水下

黃連清膈丸 治心肺間及經中熱

麥門冬 一兩 連 五錢 鼠尾 三錢 右蜜丸 溫水大

補中益氣湯治脾胃虛元氣弱而熱

辰砂滑石丸治表裏熱 辰砂 龍腦 薄荷六一散

六一散

秘方治陰虛發熱 四物湯 萸 龜板 參 木

二味氣虛加之

治酒肉發熱 青黛 苘荑仁 姜汁



十五吐衄下血

脉 脉濡濡弱為亡血細弦而濡按之虛為脫血也  
脉浮弱手按之而絕者為下血煩欬者必吐血  
脉沈弦面無血色無寒熱者必衄沈為在裏榮衛  
內結胸滿必吐血 脉滑小弱者生 浮大牢數  
者死 又血溫身熱脉躁者死 熱為血氣敗也故  
藏血脉俱弦者死 滑大者生  
因外有肺癰肺痿立能咳嗽膿血勞瘵亦能吐血  
証治麻黃湯治傷寒証大寒壅內熱久氣不伸成衄  
脉浮緊為寒

桂枝湯治証同前 脉浮緩為風 五苓散治伏

暑熱流入經絡

黃芩芍藥湯 治傷寒風二証脉微

衄血方治出於肺經如不止用寒水紙于胸膈大

椎三處貼之 犀角 升麻 梔子 黃芩

芍藥 生地黄 紫參 丹參 阿膠

荆芥穗研服亦良 芎藭上丰段搗飲又汁滴之

亦良大椎啞門灸之亦止

咯唾血方出於腎亦有瘀血內積肺氣壅遏不能

下降肺壅非吐不可



天門冬 麥門冬 知母 貝母 桔梗 葶

熟地黄 遠志 有寒加乾姜肉桂

嘔痰涎血方出於脾 菝 連 芍藥 歸 甘草

沈香 葛根

嘔吐血方出於胃 犀角地黄湯治實及病餘瘀血

犀角 一兩 生地黄 八兩 芍藥 三兩 牡丹皮 二兩

小建中湯加黃連治虛及傷胃吐血

三黃補血湯治六脉大按之虛而赤善驚上熱乃手

少少陰心之脉也

此氣盛而亡血瀉火補氣以墜氣浮

牡丹皮 一錢 川芎 二錢 熟地黄 二錢 生地黄 三錢

柴胡 歸 各一錢 升麻 菝 各一錢 白芍 五錢

人參飲子 治脾胃虛弱衄血吐血又治吐血久不

愈可於氣衝三稜針出血立愈

甘草 一錢 歸身 三錢 菝 一錢 五味子 五筒

芍藥 一錢 麥門冬 二錢

救肺散治咳吐血 升麻 柴胡 蒼朮 芍藥 各一錢

歸尾 熟地黄 菝 參 各二錢 蘇木 陳皮

甘草 各五分 作一服

清心蓮子飲治痰血兼痰



涼血地黄湯治腸辟下血水穀與血另作一派

知母炒葶炒各一兩 槐子炒青皮 熟地黄

歸各半錢 如餘証同痢門法治之

胃風湯治風毒客腸間動則下血 芍 木 參

歸 桂 芍 茯苓各等分

尿血風 治心腎因勞房憂思氣結

髮灰能消瘀血通閉醋湯下二錢 梭 櫚

燒灰米飲下亦可

三汁丹 治小便出血 水楊樹腦 老鴉飯草

赤脚馬蘭 各自然汁以水服之

益陰散 治陽浮陰翳咯血衄血 孽 連 苓

以蜜水浸炙乾 芍 各一錢 參 木 乾 姜

三錢 甘草 炙六錢 茶雨茶 一兩二錢 香油釜炒

紅米飲下三四錢立安

三黃丸 治衄血不止大便結燥者下之 大黃 兩

芒硝 地黄 梔子 芩 連 一錢 蜜煉丸

咳血丹 治因身熱痰盛血虛 青黛 瓜蒌仁 二

味治痰 訶子 海石 澁 杏仁 治嗽甚 山 梔

四物湯 治虛 姜汁 童便 蜜調嚙化

嘔血丹 治因火載血上錯經 四物湯 梔子炒



鬱酒 童便 姜汁 薑汁 山茶花 痰竹瀝  
喉中痛是氣虛加參朮芪

衄血丹 涼血 犀角 地黄湯入鬱金

溺血丹 治熱 生地黄 四兩 木蘇根 淡竹葉

梔子仁炒 甘草 滑石 蒲黃炒 藕節 歸

血虛加四物牛膝膏 通草

下血丹 四物湯 熱加黃連 酒煮溫散 山梔炒

升麻 秦艽 膠珠 白芷 虛加乾姜

五倍子 如寒藥加辛升溫散一行一止

神效方 治吐血痰血酒色過度者 枇杷葉 去毛

欵冬花 北紫苑草 杏仁 去皮尖鹿茸 炙如法

桑白皮 木通 各一兩 大黃 半兩 煉蜜 九臨卧中

聖餅子治咯血 青黛 一錢 杏仁 四十粒 去皮尖

右杏仁以黃蠟煎黃色研細入黛捏作餅子每日

柿一箇中破開入藥合定濕紙煨飲下

羅麵丹 治內損吐血 飛羅麵 畧炒 京墨 磨下二錢

越桃散 治下血及血痢 梔仁 槐花 棗

乾姜 各等分 燒存性研末末飲下三錢

伏龍肝散 治便血因内外有感凝在胃隨氣下

通亦妄行之類 伏龍肝 半斤 木 阿膠 苓



乾地黄 甘草 三兩 煎服

赤豆歸散 治先血後便謂之近血 赤小豆 五兩

浸令牙出洒乾 歸一兩 為末漿水下

五靈脂散 治下血 五靈脂 炒為末 芍 歸湯下

有血脫色白而大不澤脉濡此大寒証乃始同 而末異 治宜辛溫益血甘熱濕經乾姜色是也

有陰結者便血夫邪在五臟則陰脉不和陰不和

則血留之血無所稟滲入腸間其脉虛滿非腸

風藏毒也宜治生地黄汁

小薊汁 各一升 砂糖 地榆 阿膠 側柏葉

### 十六下痢

脉 脉滑按之虛絕者必下痢 寸脉反浮數尺中

自溢必下清膿血 脉沈弦者下重其脉小大者

為未止 脉數若微發熱汗自出者自愈設脉復

緊者必為未解 脉微若數者自今止雖發熱不

死 脉反弦發熱身汗出自愈 脉絕手足厥矣

之手足溫者生若脉不還反微喘者死 脉遲而

滑者實也利未止當下之數而滑者有宿食當下

腸澼下白沫沉則生浮則死 腸澼下膿血懸絕

死滑大生 又沉小流連者生數大有熱者死



腸澼轉筋脉極數者死 凡諸痢泄注脉沉小者  
生浮大者死身熱者死 或譫語或腹堅痛脉沉  
緊者可下遲者可溫之 下痢不欲食有宿食腸  
滿痛為寒實腸堅心下堅為實皆可下下痢脉遲  
緊痛腸鳴心急大孔痛皆可溫 傷寒下痢三部  
無脉尺中時小見脉再舉頭者腎氣也見損脉死未至者  
因風濕熱論之則火盛而金去獨火木旺而脾土損  
矣輕則飧泄身熱脉洪數不能化重則下利膿血  
經曰春傷於風夏必飧泄又曰諸下利皆屬於濕  
又曰下痢稠粘皆屬於火又曰利下膿血皆屬於帶

証前証皆熱証實証也忌用龍骨石脂粟艾等劑

虛証泄利水谷或化或不化並無努惟責覺困倦

脉弦濡者大是也宜溫補之

治 治法重則大黃湯主之輕則黃芩芍藥湯主之

後重則宜下乃有物結墜裏熱 脉洪甚宜下

若脉洪大甚不宜下也大腸經氣不宜加通楨

柳木香 腸痛則宜和胃氣不和當以茯苓芍藥

當歸和之 身重則除濕脉弦則去風風氣因動

屬于內大柴胡湯主之 屬厥虛血膿稠粘以重

藥竭之熱甚故也 身冷自汗以毒藥溫之有暴



下無声身冷自汗小便清利大便不禁氣難布息  
脉沉微喘吐雖有裏急後重謂寒邪在內而氣散  
也可溫藥而安則漿水散是也屬少陰風邪在內  
縮宜汗之也有厥陰下利不止脉沉而遲手足厥  
逆涕唾膿血此難治宜麻黃湯小續命湯平之法  
曰謂有表邪縮于內當散表邪而安矣李用升舉  
之法亦然  
鶩溏為利宜溫之謂利有結糞屬太陰 有裏者  
下之或後重或食積與氣墜下之 在上者涌之  
或痰氣在上涌之安 在下者竭之 大法去者  
送之盛者和之過者止之假如惡寒熱腹不痛加

黃芩 為主痛甚加當歸倍芍藥如見血加黃連  
或發熱惡寒非芩不止上部血也 如惡寒脉沉  
腰痛或白痢下痛或白非連不止中部血也 或  
惡寒脉沉先血後便非地榆不止下部血也  
痢下有風濕熱寒虛滯下噤口痢疳痢勞瘵利濕  
蝕瘡並同而病異 血痢有瘀血血枯肺痿風血  
酒痢相同而病異  
泄痢是積辯 泄痢有期或久亦然或久神不痺  
亦然宜遂去之此名滯下  
虛範有一人年六十憂患滯下揭色腹微痛後重



頻併食大減身微熱脉弦而濇似數稍長非滯下  
乃憂患所致心血虧脾弱也以四物君子合瀉之  
醉飽喫寒涼藥 有一人年三十奉養後秋間患  
滯下腹大痛左脉弦大似數 右脉亦然稍減重  
取似緊此乃醉飽後喫寒涼當作虛寒治之遂以  
四物桃仁紅花去地黄加參朮乾姜煎入姜汁扶  
黃芩為藥湯治泄痢腹痛後重身熱脉洪疾  
芩 芍藥 各一兩 甘草 五錢 痛加桂少許  
大黃湯 治前証重者 大黃一兩酒浸半日  
煎服以痢為度

芍藥治下痢膿血裏急後重行血則便自安調氣則  
後重自除 芍一兩 歸 連 各半兩 甘草炒 木香  
枳榔 桂 各二錢 芩 半兩 大黃 三錢  
白朮為藥湯 治脾受濕水泄微滿困弱暴下無數  
是大勢來 白朮 芍藥 各一兩 甘草 腹痛甚  
加芩桂脉弦頭痛加蒼朮防風下血加蒼朮地榆  
痒則同上加心下痞加枳實  
黃連湯 治大便下血腹中不痛謂之濕毒下血腹  
中痛謂之熱毒下血 歸 半兩 大黃 二錢半 熱毒  
加之 芍藥 熱毒加之 桂腹痛加之



訶子散 治虛滑久不已 連錢木香兩甘草錢各三

訶子皮 生熟各半兩 白朮 芍藥湯送下

桃花湯 治冷痢腹痛下 魚腦 白物 赤石脂

煨 乾姜炮 餅丸飲下

漿水散 治暴泄如水身冷脉微氣少甚者如急病

半夏一兩 附子炮 乾姜五錢 桂五錢 甘草三錢

良姜半錢 右為末三五錢漿水二盞煎半和服

小續命湯 治風邪陷內

椿皮丸 治酒積痢 龍牙草 劉寄奴

香連丸 止痢

附濕和血湯 治陽澀下血合作一泝腹中大腹屯

乃陽明氣衝熱毒所作也 以下出李 地黄生

熟各半錢 牡丹皮半錢 芍一錢 半歸二錢 甘草

生半錢 熟一錢 芪一錢 升麻七錢 蒼朮

秦艽 肉桂各三錢 橘皮二錢作一服

升麻補胃湯 治前証腹中不痛腰沉沉然乃陽明

少陽經血証名濕毒下血 有老人久痢服之愈

升麻一錢 羌活二錢 獨活半錢 柴胡 防風各五

芍根三錢 肉桂少許 芍藥一錢半 歸身三錢

牡丹皮半錢 地黃生熟各半錢 甘草炙半錢 芪一錢



槐花 治濕毒 青皮 作二服

益智和中湯 治前証腹中痛及惡寒脉洪弦按之

無力関甚緊弦肌表陽明分涼喜熱熨為內寒明矣

升麻 一錢半 葛根 半錢 芍藥 一錢半 甘草 炙 一錢

桂皮 四錢 益智 半錢 歸 一錢 芪 一錢 牡丹皮 炙

柴胡 半夏 各半錢 乾姜 炒 肉桂 一錢

茯苓湯 治傷冷飲水變成白痢腹內痛減食

茯苓 六錢 澤瀉 一錢 歸 四錢 蒼朮 二錢

生姜 二錢 芩 三錢 肉桂 五錢 猪苓 六錢

甘草 炙 半兩 芍 一錢半 升麻 柴胡 各二錢

止痢神丸 黃連 茱萸 粟殼 清泔浸三日又

酒浸七日炒乾上二味同此制

右末為丸熟則甘草湯下寒姜湯下八十九

小柴胡去參湯治身熱挾外感

沒乳丸 治瘀血痢 乳香 沒藥 桃仁 滑石

佐以木香檳榔蘇木湯下

保和丸 治食積痢

噤口丹 治禁口痢嘔不納食亦治利吐食 枇杷葉

蜜炙十張 宿沙十箇末 熟蜜調抹口上 半夏 四錢

參 八錢 姜 煮乾焙末以姜粉入香附九服連 多加參煎呷



大承氣湯治下痢不欲食

許學士云 凡痢病腹痛以白芍藥甘草為君 歸朮為佐 見血前後以三焦熱論

凡治痢病小便清白不澁為寒 赤澁為熱

又法完穀不化而色不變吐利腥穢沉微清冷小便清白不澁身涼不渴脈微細而遲者寒也 穀雖不化而色變非白煩渴小便赤黃而或澁者熱也 凡穀消化無問他証及色便為熱也 寒泄而穀化者傷食微加大黃腹脹川朴渴者白朮芍藥腹痛白芍藥甘草為主 冬月白芍藥一半白朮一半夏月制黃

芩先見膿血後見大便秘者黃蘗為君 地榆為佐 加當歸尾先見大便而膿血者制芩歸稍膿血相雜下者制大黃腹不痛白芍藥半之身倦目不欲開口不能言黃芪人參沈重者制蒼朮不思食者木香藿香 餘同上

十七泄

脈 脈疾身多動音聲響亮暴注下迫此陽也熱也

脈沈細疾目精不了了飲食不下鼻準氣息也陰也寒也

因濕多成五泄者胃泄脾泄大腸泄小腸泄大瘕泄証治胃泄飲食不化色黃宜承氣湯 脾泄腹脹滿



泄注食嘔吐逆宜理中湯

一云腸鳴食不化者經云脾虛 大腸泄食已窘

迫大便色白腸鳴初痛宜乾姜附子湯 小腸泄

澀便膿血小腹脹宜承氣湯 大瘕泄裏急後重

數圜不得莖中痛宜五苓散 五病治雖不同其

濕一也有化寒化熱之異故也

虛則無力不及拈衣而已去謂之不禁故也濕之

實則圜不便虛坐怒責宜下之 痰積下流因太

陰分有積痰肺氣不得下流降而鬱大腸虛而作  
泄當治上焦以蘿蔔子等吐之

水泄乃大引飲是熱在膈上水多入下胃經無

熱不勝 寒泄大腸滿而泄鶩溇 風泄久風

為殭泄乃水穀不化而出也 防風為君

治平胃五苓散 治濕泄水泄熱泄此方治一切腸証

平胃散 五苓散 白朮 熱加黃連木通

補胃丸治氣虛下溜 四君子 芍藥炒 升麻

流積丸治痰積下流甚則吐之 青 苓 海石炒

止瀉丸 肉苳蓀五兩 滑石 春一兩 夏二兩

秋一兩半 寒加曲炒 吳茱萸 熱加荻荅滑  
溫六丸 清六丸 加訶子煨



脾泄丸 朮炒二兩芍酒炒一兩曲炒一兩半

山查子 半夏一兩半芩炒半兩蒼朮 虛加

參朮甘草裏急後重加檳榔木香荷葉煨飯丸

檢漆花上泄 姜附湯治寒泄 椒木丸治濕泄

川椒蒼朮肉苁蓉

胃風湯治風泄

太半丸治泄 連二方與乾姜炮各二兩或加阿膠名駐車丸

腸鳴乃濕與熱相搏也或大熱亦然或飲水鳴

許論泄瀉有八 冷瀉脉微宜暖藥 熱瀉胃中有

熱傷寒多有脉數宜涼解之 積瀉脾脉沉弦宜

逐積 脾瀉同上條 氣泄者躁怒不常傷動其

氣腫氣乘脾而濕脉弦而逆宜調氣 冷泄者春

傷于風肝旺受病而傳于脾至季夏土而幾宜瀉

肝補土 驚泄者因心受驚驚則氣亂心氣不通

水入穀道而泄心脉 者是宜調心利水 病亟

氣敗而泄者素問云門戶不安也 厥逆幽悶困

瀉不止四肢冷困軟不能轉側下泄不知脉亡陽

喘者死

十八自汗頭汗

因濕能自汗 熱能自汗 虛則盜汗 痰亦自汗 頭汗



証陰陽俱虛身体枯燥頭汗亡津液也 熱入血室  
頭汗 傷濕額上汗因下之微喘者死 胃熱上  
熏額汗 發黃頭汗小便不利而渴此瘀血在也  
心下懊憹頭汗

十九淋 附小便不禁腎臟風

脉細而數 脉盛大而實者生 虛小而溢者死  
尺中盛大此陰血不足陽乘之為關

因膀胱有熱則淋 然赤澁淋瀝如脂膏如砂石皆  
內熱也如水煎鹽而成也 氣不利而不通 經  
曰小便為氣所化氣不化則臍腹滿不利悶而

治法淋者解熱利小便 閉者行氣則水自下有氣

虛則氣不行血虛則氣不升痰多氣塞則氣不運

治法氣虛補氣血虛補血痰多導痰先服本藥後

皆用吐之以提其氣氣升則水自下加以五苓散

有人患淋乃血滯故四物內加牡牛膝而愈死血

李論皆邪在肺而無資其化源邪熱在腎而閉其下

焦可除其熱瀉其塞此論當矣 治熱在上焦以

梔子黃芩主之熱在中焦加以連芍熱在下焦

資腎丸治小便閉不渴熱在下焦血分也 知母酒制

葉 酒炒各二兩 桂一錢



清肺飲子 治渴小便不利熱在上焦氣分 茯苓

二錢 猪苓 三錢 澤瀉 五錢 琥珀 半錢 灯心 一錢

木通 七錢 通草 二錢 車前子 一錢 瞿麥 半錢 篇竹 七錢

導氣除濕湯 治小便閉乃血溢致氣不通 有死血 或淋者即

知母 錢 酒浸三 藥 酒四 滑石 炒黃二錢 澤瀉 茯苓

各三錢 空心服

牛膝膏 治前方証大妙

腎疸湯 治目黃漸至身小便赤溢 升麻 半兩

羌活 防風 藁本 獨活 柴胡 各半錢 白朮

蒼朮 錢 猪苓 錢 茯苓 錢 藥 錢 澤瀉 三錢 芍 半錢

曲 六錢 炒參 三錢 甘草 三錢 作二服

秘方淋熱則利之山梔之類氣虛補之 參朮加木通 山梔之類

小便不通虛氣參朮升麻湯後吐之血虛四物湯後

吐之痰氣閉塞二陳湯加木通香附後吐之

又方治淋 麥門冬 葱頭帶根 參 三白根 去

赤膜 黑豆 濃煎飲之

淋方 五淋散 牛膝根 葵子 滑石 瞿麥

冷加附熱加芩血加梔子膏加秋石加石韋氣小

腹滿閉加沉香木香

髮灰散治飲食忍小便走馬房勞皆致轉胞臍下急



滿不通醋服一合或加葵子甘遂加大蒜搗餅安  
臍心令實著艾灸三十壯治小便不通

小便不禁膀胱不約為遺溺

因治因歸之腎冷用韭子丸六兩炒佐以鹿茸菟蓉

牛膝 巴戟 兔絲 石斛 杜仲 桂歸地黄

等藥吾不搗校

阿膠散治濕 阿膠二兩炒 牡礪煨 鹿茸酥炙四兩

煎散任下

茯苓丸 治心腎虛淋瀝 赤白茯苓各二兩

地黄汁 好酒熬膏丸鹽酒下

証大小便閉者外有骨熱不同 閉格者外有肝實

熱心實熱 便利不禁者外有風濕肝痺不同

腎臟風乃濕治陰莖痒病不忍 苦參大黃荆芥  
皂角洗薰

陰胞痒 虫蝕方 狗脊不用全毛者 連蘗黃

丹水銀粉光粉赤石脂為末付好 又方大甘

草湯浸海漂蛸末付

二十頭目痛 附腦痛肩骨痛

脉寸脉緊急或短皆曰頭痛 又浮而滑為風痰生

頭目痛脉反短濇者死 又卒視如所見者死

腦痛脉緩大者死 太陽頭痛脉浮腎惡風寒



少陽頭痛脉弦細有寒熱 陽明頭痛脉浮自汗緩長

太陰頭痛脉沉緩必有痰 少陰頭痛脉沉細為寒厥

厥陰頭痛脉浮緩為冷厥 左屬風 右屬痰

因有風有痰者多 風痰結滯 痛甚者火多

火曰炎上 血虛頭痛者亦多 血不上榮諸經

氣滯亦頭痛 乃經氣聚而不行也

証治太陽頭痛兼項痛 足太陽所過攢竹痛也

惡風寒 羌活川芎主之 陽明頭痛自汗發熱

石膏白芷葛根升麻主之 少陽頭痛額角上偏

痛往來寒熱柴胡芩主之 太陰頭痛有溫痰實

體重腹痛半夏南星蒼朮主之 少陰頭痛主三

陰三陽經不流行而足寒逆為寒厥細辛主之

厥陰頭痛頂痛血不及或痰吐涎沫厥冷吳茱萸

主之 氣虛頭痛黃芪主之 病則耳鳴九竅不

和參芪主之 血虛頭痛芎歸主之 傷寒頭痛

從傷寒法治之 太陽証麻黃湯桂枝湯陽明脉

白虎 少陽柴胡 太陰脉浮則桂枝脉沉則理

中 少陰麻黃加辛附子 厥陰桂枝麻黃各湯

痰厥頭痛吐之 火作痛清之散之 傷暑亦同

濕熱頭痛証則心煩 外有脚氣亦能頭痛其



狀吐逆寒熱便澀不通 有穀疸亦頭痛

半夏白朮天麻湯治痰厥頭痛 天麻半錢半夏

七錢半 芪半錢 蒼朮 陳皮各半錢 木香一錢

人參 澤瀉各一錢 曲炒一錢 乾姜 藜二錢

茯苓半錢

清空膏治風濕熱及諸般頭痛惟血虛不治 羌活

連酒防風各一錢 柴胡七錢 川芎五錢 甘草半一錢

黃芩三錢 白湯調下 巔頂痛加蔓荊子膏木

芍歸湯 治血虛目魚尾上攻 茶調散吐頭痛痰有

家珍方治偏頭痛連睛痛 石膏 黍粘子炒為末下

玉壺丸治風濕頭痛亦治痰患 雄黃 朮 天麻

南星 半夏

香芎散治一切頭風 香附炒去毛 川芎 甘草炙

石膏羊兩 細茶 細辛 防風 草烏 川烏

白芷 荆芥 羌活 煎

諸頭痛有六証

傷風頭痛或半邊偏痛皆因冷風所吹遇風冷則

發 脉寸浮者是也

食積因胃中有陰冷宿食不化上衝頭痛 右手

脉浮緊甚者是也



氣虛因下部氣虛上攻温温而痛者異乎邪毒所  
攻無邪脉尺虛浮是也

傷寒在太陽經其痛如破関脉數是也緊數是也  
陽明經胃熱上攻右関洪大而數是也

膈上有風涎冷痰而或嘔吐脉弦細出於寸口是  
陰毒傷寒身不熱脉沉細目痛皆血有太過不及皆

能為痛太過則目壅寒而發痛不及則無血養而  
枯痛目之銳皆 經也血少氣多目之上綱皆太

陽經也血多氣少目之下綱陽明經也血氣俱多  
惟足厥陰連於目絲而已血太過者血得太熱而

溢於上所以作痛治法血實者决之虛者補之宜  
以辛散之涼以清之汗之吐之

腦痛乃風熱乘虛而入于腦以辛涼之藥散之行之  
眉骨痛乃風痰 羌活湯治風熱壅盛上攻頭目

昏眩疼痛及腦疼

羌活 防風 芩酒一兩連酒一兩柴胡七錢

藥酒炒瓜蒌根酒甘草 茯苓各半兩澤瀉三錢

羌附湯治冬大寒犯腦痛齒亦痛名曰腦風

麻黃 黑附 升麻 防風 白薑 蚕 藥各

三錢 羌活 蒼朮各半錢 甘草 白芷



芪一錢 作一服

眉骨痛方 羌活 防風 甘草 芩 酒朮 半夏

南星 細辛 又方加烏頭草烏童便炒去毒

霍香散治腦風頭痛 霍香 川芎 天麻 白芷

蔓荆子 槐花 酒調下

吹搐方 治同上 穀精草 銅線各二錢另硝石

一錢另研吹鼻中 細辛 瓜蒂 良姜各一

硝半兩 含米滿口以藥搐鼻 荆芥 薄荷

木賊 僵蚕 蝎稍 茶清下二錢

風成寒中則泣出 風氣與陽明入胃循脉而上至胃背人瘦則外泄而泣宜辛溫

風成熱則目黃

風氣與陽明入胃循脉而上至目内皆人肥不得外泄故熱鬱也

廿一眩運

因痰飲隨氣上伏留於陽經遇火則動 去血過多

亦使眩運 頭眩亦然兼挾氣虛

証因外者風在三陽經頭重項強有汗 寒則掣痛

暑則執悶 濕則重着 皆令吐逆暈倒 內因

者因七情致藏氣不行鬱而生涎結為飲隨氣上

厥伏留陽經嘔吐眉目疼痛眼不得開 因房勞

飢飽去血過多者眼花屋倒起則暈倒

治散風行濕湯治痰火暈眩 二陳湯 芩

蒼朮 羌活



芩芎散治暈眩痰厥 川芎歸湯 治血虛眩暈  
參朮湯治挾氣虛頭痛補氣降火為主 參朮苓連

廿二心腹痛

脉陽微陰弦胸痺而痛責在極虛 短而數心痛煩  
心腹痛不得息 脉細小遲者生堅大實者死  
若腹痛脉反浮大而長者死 跌陽脉滑而緊滑  
者穀氣強胃氣實緊者陰氣勝故痛 病腹痛而  
喘脉滑而利數而緊者也心痛 有熱厥 寒厥  
因勞役太甚飲食失節中氣不足或寒邪乘虛而入  
客之或久不散鬱而生熱或素有熱虛熱相搏結

鬱於胃腕而痛或有實積痰飲或氣而食相鬱不  
散停結胃口而痛

証治胃病者腹膜脹胃腕當心而痛上支相脇膈咽  
不通食飲不下

脾病者食則嘔吐腹脹善噫胃腕痛心下急痛  
熱厥心痛身熱足痛 寒甚則煩燥而吐額自汗  
脉洪可汗 刺太谿崑崙 寒厥心疼手足逆通  
身冷汗便利溺清不渴氣脉微弱可温 大實心  
痛卒然而發大便或秘久而注悶心胸高起按之  
痛不能飲食可下 腎心痛與背相接恐如從絞



觸其心偃倭 刺束骨合骨崑崙 胃心痛腹脹  
胸滿 刺大都太白 脾心痛如錐刺 刺然谷  
太谿 肝心痛狀如死終日不得休息取行間太  
肺心痛卧若徒居心痛間動作益盛刺魚際太淵  
厥心痛乃寒邪客于心包絡也宜以良姜菖蒲大  
辛熱之藥

蓋諸心痛皆少陰厥氣上衝也刺之宜通氣行也  
腹痛有寒 積熱 死血 實積 濕痰 濕有  
因有客之阻之不行有熱内生鬱而不散有死血食  
積濕痰結滯妨礙升降 故痛蓋痛常分其部分

高下而治之

証治中脘痛太陰也理中草薏苡主之 小腹痛厥  
陰也正陽回陽四逆湯主之 難証而痛苦練湯  
酒煮當歸丸丁香練實丸等主之 腹中不和而  
痛者以甘草為藥湯主之 傷寒誤下傳太陰經  
腹滿而痛桂枝芍藥主之痛甚桂枝大黃湯主之  
夏月飢熱惡熱脈洪實而痛黃芩芍藥主之 諸  
虫痛者如腹痛腫聚往來無有休止涎出嘔吐清  
痰積腹痛隱隱然得熱湯辛物則暫止宜導痰解  
鬱氣溫散之



中氣虛亦痛 或飢而痛是也 理中湯主之  
胸痺皆痰水宿飲停留不散宜瓜蒌枳實香附台  
芎蒼朮溫散之

外有似煩而痛異名

心痛 有心中寒 有心熱 有心虛 有積  
有宿食留飲 有胸痞 腹痛有脚氣 胸痛  
有精實

小腹痛有肝痺 胞痛 筋虛 疝 腸瘕

金鈴子散 治熱厥心痛或作或止久不愈

金鈴子 玄胡 各一兩 熱加連散氣加 荜枝 核酒  
下三錢

煮雄丸治大實心痛痞癖如神 雄黃一兩另研

巴豆 五錢 生用去油爛研却入雄黃末 白麩二

右再研勻水丸梧子大每服時先煎漿水令沸下

藥二十四粒煮三十沸撈入冷漿水沉水冷一時

下一丸百二十四時也加至微利為度用浸藥水

朮附湯治寒厥心暴痛脉微氣弱 附 炮去皮臍

朮四兩 甘草炙二兩 姜棗煎服

朮香散 治心脾卒痛不忍 木香 蓬朮各一兩

乾漆炒烟尽一錢 醋湯下一錢

燥飯丸 治飲水吞酸作痛 墻上蜆殼丸



秘丹治心痛久則成鬱鬱久必生火原 川芎

梔子炒 蒼朮 香附 石菖 乾姜炒及治

有人餅過患此以火毒遂連六錢甘草一而安矣

有心痛十八年因酒牛乳痛時以一物拄之脉三至

弦弱而溢吞酸七月內以二陳湯 朮 芩 連

朮 郁李仁 澤瀉

秘丹治死血留於胃口作痛

承氣湯 梔子 韭汁 結梗能開提血氣

麻黃 重者須此發之

虫痛方治面上白斑唇紅能食者是 苦棟根 灰 錫

胃脘當心痛有垢積者 班猫 烏梅肉丸如菜豆

皂樹上草泡湯有肥珠起飲之微泄見效未已

草薏菴丸 治脾胃傷損客寒一切虛証心腹大痛

理中建中湯 治寒腹痛

調胃承氣加木香枳榔湯 治熱腹痛

大承氣加方 治有人雨後得涼腹痛甚問之於夏

月投淵取魚脉沉弦而細實重數則如循刀上木

方加桂枝二帖又加桂桃仁二帖又加附二帖下黑血

二陳芎蒼丸 治清痰腹痛脉滑者是

二陳湯 台芎 蒼朮 香附 白芷 姜汁



二十三腰痛

附腰膝腫痛腰軟

脉尺脉麓常熱謂之熱中腰膝痛

脉大者腎虛  
脉溢者瘀血

因腎虛而致

有濕熱

有瘀血

有外感

腎虛而起於內蓋失志傷腎鬱怒傷肝憂思傷脾  
皆致腰痛故使氣結不行血停不禁遂成虛損血  
氣羸之又有房勞過者多矣

濕熱亦因腎虛而生焉

腎者水也氣不利而成

濕熱者因腎水涸相火熾無所榮制故濕熱相搏  
而成痿亦有虛勞外感濕氣內熱不行而成壅痼  
瘀血因用力過多墮折納血瘀不行外感因

虛穰之

外有腎風腎熱腎癰厥陰癰背腰痛

証失志者虛羸不足面黑遠行久立不能任 鬱怒

腹急脇脹目視眩所祈不能意浮於外 憂思者

肌肉濡漬痺而不仁飲食不化腸胃脹滿 房勞

者精血不足無所榮養經曰轉搖不得腎將憊矣

名骨痠 濕熱者四肢緩足寒逆腰

冷如水冷  
汗精滑扇痛

外感如太陽腰痛引項尻重陽明腰痛不可以顧  
善悲少陽如刺其皮不可俛仰太陰煩熱如有橫  
木居中遺溺少陰引脊內厥陰如張弓弦大抵太  
陽少陰多中寒陽明太陰多燥濕少陽厥陰風熱



治 羌活湯 治腰痛

羌活 獨活 柴胡 防風 肉桂

如臥寒濕地足太陽少陰血絡中有凝血加歸尾

蒼朮桃仁防已如濕熱痛加黃藥杜仲蒼朮川芎

如虛加杜仲五味藥歸知母龜板如墜撲瘀血加

桃仁麝香蘇木水蛭

腎氣丸 茴香丸 鹿茸丸 此三方補陽之不

足也勞傷房室之人有之

六味地黃丸 封髓丹 此二方補陰之不足也

膏梁之人有之

煨腎丸 治腰痛 杜仲去粗皮炒去絲三錢

右一味末之以猪石一枚薄批五七片以鹽椒

淹去腥水糝藥在內包以荷葉用濕紙數重煨

立效散 玄胡索 歸 桂等分為末酒下

挫氣丹 治挫氣腰痛 山查子去核四兩

北茴香炒一兩 為末酒下

腰膝重痛

因風寒濕流注經絡結凝骨節氣血不和而痛

痰積趨逐經絡流注搏於血內亦然

治宜流濕散風寒逐痰積氣血自然滿流也

除濕丹 檳榔 甘遂 赤芍藥 威靈仙



澤瀉 苧瀝 各二兩 乳香研沒藥各一兩

大戟炒三錢 陳皮四兩 麴糊丸加牽牛末九

煨腎散 甘遂

高功散

腰軟

因腎肝伏熱

治宜黃柏防已

論餘 解依証食脉痛少氣不欲言寒不寒熱不熱  
壯不壯停不停乃精氣虛而腎邪實矣治以  
澤菝流腎實地黃牛膝麥門冬補精氣

二十四肩背痛 附腰脾痛

脉洪大洪為熱大為風 脉促上擊者肩背痛

脉沉而滑者背脊痛

因風濕乘肺于太陽經脉氣鬱甚不行也

証病則頰頰腫頸肩膈肘臂外後廉痛汗出小便數

而欠者皆風熱乘肺也 小便遺濕者皆肺金虛也

治宜通經益元氣散風瀉火之藥

通氣散 治風熱乘肺肩背痛 防風 藁本

獨治 羌活 已上通經血 芩連 已上降

參 著 上二味虛則加之



背脾痛

因小腸經氣 小腸心痛及腑 外有肺風肺寒骨屈而致

二十五脇痛附身体痛

脉双弦是两手俱弦也

因肝木氣實火盛 或因怒氣大逆肝氣鬱甚謀慮  
不決風中於肝背使木氣大實生火盛、則肝急  
瘀血惡血停留於肝歸于脇下而痛 病則自汗  
痛甚按之益甚

痰積流注厥陰急引脇痛之經亦使脇下痛病則  
咳嗽外有肝中風左股偏痛肝中風寒股下卒急

飲水脇下鳴相逐皆致脇病須詳之

辨非血枯証脇胸肢滿絡氣不行 妨於食肝脾腸  
病至先聞腥臊臭出清液肝病肺葉傷之四肢清  
目眩前後肝血此年少脫血或醉行房肝傷氣竭  
致之故也

証治木火盛宜以辛散之以苦瀉之當歸龍會丸瀉  
青丸主之 死血宜以破血為主潤血為佐復元  
活血當歸導澤等主之 痰積宜以去痰行氣二  
陳湯加南星青皮香附青黛等主之

龍會丸 治食積發熱木盛脇痛 柴胡 甘草



青皮 連 大黃 歸 木香 草龍膽 芦會  
川芎 治水氣實加之

治血湯 治死血

左金丸 治肝火 連六兩 茱萸一兩

導痰湯 治痰注 諸痰皆生於熱 台芎 二兩

香附八兩 陳皮 蘇葉 乾姜一兩

貼痛 芥菜子研水付 茱萸醋研付上大效

熨痛 醋炒灰熱布裹熨之 葱艾炒亦可 韭炒亦可

身体痛

脉証傷寒太陽經表証六脉俱緊陰毒傷寒身如

被打脉沉緊 傷寒發汗後身体痛氣血未和脉  
弦遲 傷濕之流關節一身尺痛 風濕相搏肢  
体重痛不可轉側脉緩 虛勞之人氣血脉弦小

二十六逆痰嗽

脉出魚際逆氣喘息 脉弦為欬 欬而浮者四十

日已 咳而弦者相其人強吐之而愈 欬而脉

虛必苦胃 欬而沉者不可發汗 喘欬上氣脉

數有熱不得卧者死 上氣面浮腫肩息其脉浮

大者死 久欬數歲脉弱者生實大者死 上氣

喘息低昂脉滑手足温者生脉澁四肢寒者死



欬脫形發熱小堅急者死 肌瘦下脫熱不去者  
死 欬脈沉緊者死浮直者生浮軟者生小沉  
伏者死 咳而嘔腹脹且泄脈弦急欲絕者死  
咳嗽羸瘦脈形堅大者死 暴咳脈散者死浮為  
風緊為寒數為熱細為濕 此生於外邪之所搏  
浮緊則虛寒沉數則實熱弦濡則少血洪滑則多  
痰 此生於內氣之所鬱

因証因風寒

火附腹滿

勞痰

風寒為病主乎肺以肺主皮毛而司於外傷之勝  
理不疎風寒內鬱於肺清肅之氣不利而生痰動

嗽又寒飲食入胃從脾上脈至於肺則肺寒肺寒  
則內外合邪因之而欬火之嗽病因火盛上痰鏢  
肺金也遂成鬱遏脹滿甚則乾嗽無痰或唾血痰  
帶而咳嗽皆好色腎虛則子能令母虛氣血俱虛  
陰虛則生火肺金耗敗而津液氣血皆化為痰矣  
痰者碍清氣升降滯氣而不行遂成諸咳嗽之証  
論欬逆痰嗽分為二咳者謂無痰而有聲肺氣傷而  
不清而上逆皆關於肺也咳者謂有痰而無聲脾  
濕動而為痰而成嗽皆積于脾也蓋因傷於肺氣  
動于脾濕咳而為嗽也蓋脾無留濕雖傷脾氣而



不為痰也然寒暑燥濕風火皆令人咳惟濕痰飲  
食入胃留之而不行上入于肺則為咳嗽也

假令濕在心經謂之熱痰濕在肝經謂之風痰濕  
在肺經謂之氣痰濕在腎經謂之寒痰

三因論咳者衛氣之失嗽者榮血之失外傷六氣隨  
風寒暑食燥火感其部位而察其元以表之內傷  
七情皆聚于胃而關於肺多痰嗽也 衛氣之失  
則多痰逆榮氣之失則多痰嗽

張論以貧富言之貧者謂之咳嗽外感之由也內經  
曰秋傷于濕冬必咳嗽是也又曰歲火太過肺金

受病民病咳嗽是也富貴者謂之涎嗽多飲食厚  
味熱痰所成也

李論皆脾弱受病肺金受邪飲食不能留積而成痰  
肺氣不利而痰衝清道而成咳

劉論皆脾濕入于肺而成痰傷風而成嗽

痰咳潮熱四証

有痰嗽者潮熱大體雖同動作有異或因虛中寒  
冷則先痰嗽久而不已血形如線隨痰而出  
惡寒發熱右寸浮而數外証日輕夜重白痰清  
因憂愁大怒則吐血而後痰嗽少寒多熱左寸沈



小而數外証心下噎塞情思不樂飲食不下  
或蠱注相傳死寇相逐則先嘔血不知來處微  
有痰嗽漸成寒熱兩手脈弦細而數外証食  
不為肌膚頰紅變動不常身體酸痛倦反嗽搗  
咽痛痰多或喘或瀉則死

先因傷濕傷寒解利不尽雖病退人起飲食減  
少不生肌肉身倦無力勞力則熱身體酸痛狀  
如勞狀但不吐血不發潮熱經二三年醫無驗  
此是餘毒伏在經絡其脉弦也再發則愈

三因論狀傷風咳者增寒壯熱自汗惡風口乾煩燥

傷寒咳者增寒發熱無汗惡寒不乾煩燥 傷暑  
咳者煩熱引飲口燥或吐沫声嘶咯血 傷濕咳  
者骨節煩痛四肢重者洒洒淅淅 喜傷心咳而  
喉中介介如腫狀甚則咽腫喉痺 自汗咽乾咯  
血此勞傷心小腸受之咳與氣俱失 怒傷肝咳  
而兩脇下痛不可轉側則兩脚下滿左腳偏疼引  
小腹此怒傷膽受之咳嘔膽汁 思傷脾咳而右  
脇下痛隱引肩背甚甚則不可動 腹脹心痛  
不欲食此飢飽之傷胃受之咳而嘔嘔則長虫出  
憂傷肺咳而喘息有声甚則吐血 吐白沫涎口



燥声嘶叫呼傷肺大腸受之咳而遺尿 恐傷腎  
咳而腰背相引痛甚則嗔咳涎

寒熱引腰背或喘滿 房勞傷膀胱受之咳而遺  
溺 焦受之咳而腹滿不飲食

咳嗽喘逆氣短氣分別不同

咳者無痰有声喉中如痒習、如梗甚者續、不  
止連、不已衝膈擊間外有心欬一切血証 肺

咳上逆 嗽者有痰外有勞瘵 喘促嗽 肺痿

喘者促促而氣急喘、而息數張口擗肩搖身振  
肚外有脚氣 逆氣者但脚氣上而奔急外有肺

中風肺中暑肺熱肺寒肺水脉痺肝熱膽寒心熱

腸痺痰水 短氣者呼吸堆數而不能相續似喘

而不搖肩似呻吟而無痛外有脾中風脾中寒肺

熱腎虛歷節風憂氣

胸痞痰飲

治咳 欬謂無痰而有声素問云欬乃皮毛先受邪

氣以從其合邪因有欬証

則内外合邪因有欬証

肺咳麻黃湯 大腸遺矢 赤石脂 禹餘糧湯

薤仁湯



脾欬升麻湯 胃吐虫出 烏梅湯

心欬桂枝湯 小腸氣失 芍藥甘草湯

肝欬小柴胡湯 膽嘔若汗 黃芩半夏湯

腎虛麻黃附子湯 細辛 膀胱遺溺 牡蠣湯

久咳不已三焦受之 其伏咳腹滿不欲飲食此

皆聚於胃閉於肺令人多涕唾而面浮腫氣逆

也異攻 白朮散

逆 逆謂氣上逆肺壅而不下 上氣逆者皂莢丸

大逆上氣 麥門冬湯 上氣逆浮麻黃朴湯

上氣脉沈者澤漆湯 澤漆五 桑白皮六射干

芩木茯苓四 竹茹治氣上逆為熱所作

治法無痰而有聲者以辛潤其肺青皮以散三焦之

氣壅 有痰而嗽者治痰為先氣為上 痰而能

食者下之 不能食者厚朴湯治之 痰而熱者

柴胡湯加膏主之 痰而寒者小青龍加桃仁之

張之治風痰以通聖散加半夏暑嗽以白虎涼膈大

嗽以黃連解毒濕嗽以五苓白朮燥嗽以木香亭

廬散寒嗽以寧神寧肺散為上也更分以下吐汗佳

方 南星 半夏 枳殼 陳皮

風痰脉弦加通聖 熱痰脉口小柴胡洪力代青連



氣痰脉溢加青陳皮

濕痰脉緩加木防已

發熱加黃芩桔梗

氣上逆加葶藶

仁杏仁澤瀉茯苓

大便秘加大黃

利膈丸

錢半枳實炒一兩

紫蘇飲子

青皮陳皮杏仁麻黃甘草炙五味子

寒痰脉沉加桂杏仁青龍

痞加枳實重加茯苓

氣促加參桔梗浮腫加郁李

熱上喘涌加寒水石石膏

能食加大承氣不能食加朴

治胸中不利痰嗽喘促木香檳榔一

酒一兩歸參各三

治脾肺受寒痰涎嗽紫蘇子桑白

麻黃甘草炙五味子

牛膝湯治痰妙半夏生一兩大皂角去子皮半兩雄黃加之

大治痰右同絹袋中水三升姜八片煎至半以手揉洗之取清汁服

大熱大飲凝於胸中而成濕故痰作矣宜吐之

二陳加麻黃杏仁湯治風寒行痰開腠理本方加

麻黃杏仁桔梗

降火導痰湯治火苓連瓜蒌海石

勞嗽丹四物竹瀝姜汁

欬腸丹治肺脹及火鬱訶子杏仁青黛

瓜蒌半夏香附

積痰方南星半夏瓜蒌青黛石減



如肝痛疎肝氣加青皮上半日咳多屬胃火加貝  
母石膏下半日嗽多屬陰虛加知母栝川芎歸虛  
甚好色者加參膏陳皮青姜

酒病嗽 白礬一兩另研杏仁一升 右水一升煎

乾攤新瓦上露一宿砂碓內炒乾每食飯後細嚼

杏子十五箇

劫嗽方 五味半兩甘草二錢五倍子 風化消各

一錢 為末乾噲化

鵝管法 治風入肺管 南星 雄黃 欵花 石鵝

右為末入艾中放姜片上置舌上冬吸咽入喉以多為妙

痰方 若或痰白作泡當於肺中瀉水 滑石貝母

星 夏 風化消 白芥子 陳皮 茯苓

皂角風加蒼朮溫加瓜蒌潤加枳實結加青黛 芥熟加

青礞石丸化痰 麝香丸治痰

勞嗽方 四君子 百合 欵花 細辛 桂五味

阿膠 半夏 天門冬 杏子 芍藥 甘草煎食

三因論 因怒而傷者甘草 憂而傷者枳殼

喜而傷者五味 悲而傷者人參

二十七喘附哮喘

脉証實喘氣實肺盛呼吸不利肺竅壅滯 右寸脉



沉實者是宜瀉肺 虛喘由腎虛呼吸氣短兩脇  
脹滿 左尺脉大而虛者是宜補腎

邪喘由肺感寒邪伏於肺經閉竅不通呼吸不利

右寸脉沉而緊亦有六部俱伏者發散則身熱而喘定

三因狀虛實 肺實者肺必脹上氣喘逆咽中塞如

與嘔狀自汗 肺虛者必咽乾無津少氣不息也

因氣虛入于肺 陰虛火起衝上 有痰有水氣肺乘

治喘年深時作時上雄猪肚一箇治如食法入杏仁

四五兩線縫醋三碗煮乾取出先食肚次以杏仁

新瓦焙燃去皮旋食永不發

氣虛方 治氣虛 參 藥薑炒 麥門冬 地骨皮

血虛方 治陰虛有痰 四物 連 枳殼 半夏

導痰千緡湯 半夏 南星 陳皮 茯苓 枳殼 皂

却藥方 治喘不止甚不可用苦寒藥可溫劫之

椒木為末姜湯下 蘿蔔子蒸 皂角燒存性

姜汁丸噲 大黃煨 牽牛炒各二兩 各為末蜜水下

二錢治熱痰暴喘死

瀉白散 治陰氣在下陽氣在上欬喘嘔逆 桑白

皮一兩 青皮 五味 甘草 茯苓 人參

杏仁 半夏 桔梗 上二味痰涎嘔逆加之



地骨皮七錢 姜煎

神秘湯 治水氣逆行乘肺、得水而浮使氣不通

流脉沉大此人不得卧卧則喘者是 紫蘇

桑白皮 生姜 參各五錢 木香 茯苓二錢

因哮喘主於内痰宜吐之 治哮喘積丹 鷄子畧敲

不損膜浸尿缸内四日夜喫之有效蓋鷄子能

去風痰 蘿蔔子丸姜湯送下

二十八宿食留飲 附痰飲

脉寸口脉浮大按之反澁尺中亦微而澁故有食疾

寸口脉緊如轉索左右無常者有宿食 脉滑而

數者實也有宿食當下之 脉浮而滑者宿食下

利不欲食者宿食 脉沉病若傷寒者宿食留飲

宜下之 脉短痰而滑酒病 脉浮而細滑傷飲

因飲食自倍 腸胃乃傷復加之則胃化遲難故宿

食留飲飲水也無形之氣也因而大飲則氣逆形

寒飲冷則傷肺病則為咳滿水泄重而為蓄積食

者物也有形之血也因而食飽筋脉橫解腸澀為

重或嘔或吐或下利

証治千金云胃中有澀食冷物則痛不能食有熱物

則欲食大腹有宿食即寒慄發熱如瘧狀小腹有



宿食當暑發熱明旦復止

三因云有飲在中脘則嘈有宿食則吞酸

李論戊己火衰不能制物食則不消傷其太陽陰填  
塞悶亂凡凡欲吐甚則心胃大痛犯其血也治宜  
分寒熱輕重如初得上部有脉下部無脉其人當  
吐不吐即死宜瓜蒂散輕則內消宿沙炒曲等是  
也重則除下承氣湯是也寒則溫之半夏乾姜三  
稜莪朮是也熱則寒之大黃黃連枳實麥蘖是也  
飲則下行或大飲而氣逆或寒冷而傷肺病則喘  
咳痰涎水腫輕則宜取汗利小便使上下分消其

濕解醒湯五苓散半夏木殼之類是也重則為蓄  
積為滿者三花神祐等是也

張論飲食不消分貧富而治之富者乃膏粱太過以  
致中脘停留脹閉痞膈醋心宜木香導飲丸主之  
貧者乃動作勞飲食粗酒食傷之以致身腹滿悶  
時吐酸水宜進食丸主之 又有重者病証同太  
陽傷寒止脉沉可與導飲丸治之

又論留飲蓄水而已雖有四有五之說止一証也夫  
鬱憤而不伸則肝氣乘脾之氣不滯亦為留飲肝  
主慮人不決則飲氣不行肝主思久則脾結亦為



留飲乘因飲水脾胃失衰不能布散不為留飲飲  
酒過多胞經不及滲洩亦為留飲渴飲冷水乘決  
過多逸而不動亦為留飲夫水者陰物也但積水  
則生濕停酒則滿燥久而成痰左右脇同肥氣治  
脇同息責上肺則嗽下入大腸則瀉入腎則涌在  
太陽為支飲皆內氣逆得之故濕在上者目黃面  
浮在下者股膝腫滿在中者股飲痞膈痰逆在陽  
不去久而地氣在陰不去久而成形宜治以導水  
禹功調以五苓葶藶木逐水為全矣  
云傷西此冷水羊乳寒濕之物 白朮 二錢 川烏 錢半

防風 一錢 丁香 一枚 甘草 炙 一錢 傷羊肉麵濕熱  
之物 白朮 芩 連各七錢 大黃 一錢 甘草 炙  
半錢 已上二証腹痛 白芍藥 一錢 心下痞  
枳實 腹脹厚朴胸中不利枳殼胸中寒 陳皮  
渴者白茯苓 腹中窄蒼朮 體肢沉重 蒼朮  
大抵傷冷物 巴豆為君 傷熱物以大黃為君  
枳榔丸 治傷之輕者飲食不化心腹鼓脹 出劉  
枳榔 二錢 陳皮 八錢 牽牛頭末 四錢 醋糊丸如梧  
子大姜湯二十九

雄黃丸 治傷之重者脇肋虛脹 雄黃 一兩另



巴豆五錢生用九服 法同心痛

瓜蒂散吐心胸卒痛悶亂急 瓜蒂 赤小豆各三

細末一錢温酒下

枳實丸治傷食 枳實半兩白朮一兩 曲月

此二味心腹悶加之 木香 檳榔 青 此三

味滯氣加之 大黃 芩 連 三味湿熱加之

蘿蔔子除濕連除熱加之 澤瀉伏湿痞悶加之

梔病後食傷加之 半夏 凡 豆粉湿麵油膩草豆

稜 莪傷冷硬加之 乾姜傷朮加之 宿砂 丁香

心胃痛加之 參傷胃加之

解醒湯治傷酒 白豆蔻 砂仁 生姜 葛花各半兩

茯苓 猪苓 去皮 陳皮 去白 參 朮 各一兩半

青皮 三錢 曲炒 澤瀉 各二錢 木香 五分

右為末白湯送下

秘方 治胃中有物惡食 二陳湯 朮 查 川芎

蒼朮 曲炒

神祐丸 治留飲懸飲 脉弦 又治脉伏其人欲

自利難利心下續堅滿此為留飲欲去故也

茯苓桂朮湯 治心下有痰飲胸脇肢滿目弦

茯苓 桂 朮 甘草



大青龍湯 治溢飲停痛當發其汗

麻黃七錢 桂 甘草各二錢 石膏 鷄子大

杏仁 半夏漬加

澤瀉湯 治心下有股飲其人若胃眩肢飲不得息

加葶藶麥

朴黃湯 治支飲 胸痛 大黃 厚朴 二陳湯

小半夏湯 治嘔家不渴 心下有支飲故也先治渴

却嘔水 停心下此屬飲加茯苓

五苓散 治瘦人臍下有悸者吐涎沫而顛眩水也

亦治停飲宿水

破飲丸 治五飲結為癰瘕支飲胸滿吐逆心痛大能

散氣 葶揅 胡椒 丁香 宿砂 青皮 烏梅

木香 蝎稍 巴豆去油 以青皮同巴豆浸漿

水一宿漉出同炒青皮焦去豆將去浸水淹烏梅

肉次一熟飯研細為膏姜湯五七丸

控涎丹 治患胸背手足頭項腰膝隱痛不忍連筋

骨牽釣痛坐卧不安時走易 甘遂 大戟 紅牙

白芥子真 粉丸梧子大

痰飲証狀或咳或喘或嘔或泄眩暈嘈煩忪悸惶惶

寒熱疼痛腫滿卒癰瘰閉痞膈如風如癩 懸飲



者飲水飲右脇下咳唾引痛 溢飲者飲水流於  
四腹當汗不汗身疼痛重 支飲者嘔逆倚息  
短氣不得臥其形如腫 痰飲者其人素盛今瘦  
腸間漉漉有声 留飲者背寒如手大或短氣內  
渴四肢歷節疼痛脇下痛引飲缺盆 伏飲者膈  
滿咳喘嘔吐發則寒熱腰背痛目淚惡寒振振然  
懸飲當下 溢飲當汗 肢飲隨証汗下之 痰  
飲宜溫之從小便去之

二十九 噯氣吞酸嘈雜 附 噯氣

因胃中有大有痞二因論醋咽夫中脘有飲則嘈

有宿食則酸食後噯酸吞酸者皆宿食証俗名燕酸是也

治方食鬱有痰吞酸 星 半夏 干西 黃芩 一兩 陳皮

燥飲丸 治痰飲心痛 乾螺殼牆上者 木 蒼朮 木 曲丸

曲朮丸 治吞酸中脘有飲則嘈宿食則酸

宿砂 陳皮 蒼朮 曲炒 曲丸 姜下

又方治酸皆濕熱鬱 黃連 姜汁炒 蒼朮 茯苓

湯浸餅丸 吐清水 蒼朮 陳壁土炒 茯苓

一錢 滑石炒 朮一錢半 陳皮半錢煎

論噯氣夫噯氣之邪從口入者宿食也

証其病煩痛畏風增寒心腹脹滿下利不欲食吞酸



噫宿腐氣或腹脹泄瀉及四肢浮腫脉若胃實熱食反溜滯其脉滑而數宜下之愈

若脾虛其脉浮大按之反濡尺中亦微濡宜温之消

木香丸 木香 硃砂 蓬朮 胡椒 半夏

炒火烟尺各半兩 桂心 宿沙仁 青皮 三錢

附子炮去皮臍三稜醋炙 白姜一兩

右末蜜丸梧子大每服五十九姜湯下

感應丸 肉苳菹 川芎 白草霜各三兩 木香一兩

草澄茄 丁香 京三稜 油各一兩 巴豆百粒去皮

蝎四兩 杏仁百粒去皮 右除巴杏外為末以下別

研巴豆杏仁和勻先將油煎蝎溶化顧出藥末內和成劑入白內杵十餘下丸菴豆大每服三五丸

湯下 外有醋咽酸氣思膈皆同

三十積聚 附痰塊

脉來細而附骨乃積 寸口積在胸膈上積在劑傍

尺中積在氣衝左積左衝右積右脉而出積在中

央處其部

浮而毛按之辟易脇下氣逆皆相引痛名肺積

沉而花上下無常處胸滿悸腹中熱名心積 弦

而細兩脇下痛邪走心下足腫寒名肝積 沉而



急苦脊與腰相引痛飢見飽減名腎積 浮大而  
長飢減飽見腹滿泄嘔脛腫名脾積 寸口沉而  
橫脇下及腹中有橫積 脉弦腹中急痛為瘕  
脉弦細微者為瘕 脉細而沉時直者身有癰腫  
若腹中有伏梁 脉沉小而實者胃有積聚不下  
食食則吐 脉沉而緊若心下有寒時痛有積聚  
關上脉大而尺寸細者必心腹冷積 遲而滑中  
寒有瘕結歇而緊積聚有繫痛 脉弦而伏腹中  
有瘕不可轉也死 脉緊急急者生 虛弱者死  
沉者死  
因脛寒厥氣則血脉凝滯寒氣上入腸胃所以腹脹

腹脹則腸外之汁沫迫聚不得數日以成積 又  
盛食多飲起居過度腸胃之絡傷之則血溢於腸  
外腸外有果汁沫與血相搏則氣聚而成積 又  
外中於寒內傷於憂怒氣則上逆上逆則六腑不  
通溫氣不行凝血蘊聚津液凝滯滲着不去而成  
積 又生於陰蓋憂思傷心重寒傷肺怒忿傷肝  
醉以入房汗出當風傷脾用力過度入房汗出入  
浴傷腎腎臟氣不平凝血不散汁沫相搏蘊結而  
成積矣 又有食積酒食肉積水積涎積血積氣  
積皆因偏愛停留不散日久成積塊在中為痰飲



在右為食積在左為血積

証蓋積聚之原則一其在臟者始終不移為積其在  
府者發痛轉移隨氣結束為聚積者系於臟聚者  
系於腑癥者系於氣瘕者系於血 肝之積名肥  
氣在左脇下如覆盆發咳逆瘕瘕連歲不已 其  
中有血肝主血故也 心之積名伏梁起臍下大  
如臂上至心下令人煩心 有大膿血在於胃  
之外 肺之積名息賁在右下大如杯洒浙寒熱  
喘咳肺癰 賁者賁門也積在肺下有賁門追肝  
脾之積名痞氣在胃脘大如盤四支不收黃疸飲

食不為肌 痞者濕也食令人傷氣為濕所蓄  
腎之積名奔豚發於小腹上于心下若豚狀上下  
喘逆骨痠 病在六腑太陽利清氣陽明泄濁氣  
少陽化精氣失常則壅聚不通故實而不轉虛則  
輸屬陽無形隨氣往來在上則格在下則脹傍攻  
兩脇如有泥塊易於轉變故名曰聚 又有息積  
者乃氣息滯於脇下不在臟腑榮衛之間積久  
形成氣不干胃故不妨食病者脇下滿氣逆息難  
頻歲不已名曰息積

治法寒者熱之結者散之客者除之留者行之堅者



削之消膏摩之醎以要之若以瀉之至真氣以補之隨所利而行之酒肉食等積以所惡者攻之以所喜者誘之

五積丸 治積塊 連<sub>肝腎</sub>五錢 脾七錢 心肺一兩半

朴<sub>肝心脾</sub>五錢 肺<sub>腎</sub>八錢 巴豆霜五分 川烏 肝肺

一錢 心腎脾半錢 乾姜 心肝半錢 腎一錢半 茯苓

一錢半 參肝肺腎二錢 心五錢

另研巴豆旋入和勻煉蜜丸梧子大初九和<sub>微</sub>

肝積加 柴胡二兩 皂角<sub>半</sub>二錢 川椒四錢 昆布<sub>錢</sub>二

菝葜二錢半

心積加 芩三錢 桂一錢 扶神一錢 丹參一錢

菖蒲<sub>半兩</sub>

肺積加 桔梗一錢 紫花一錢半 天門冬一錢

三稜<sub>錢</sub>青皮一錢 陳皮一錢 川椒<sub>半</sub>一錢 白薑<sub>錢</sub>一

時積加 玄胡 苦練肉<sub>錢</sub>各三 全蝎 附子<sub>錢</sub>各一

澤瀉<sub>錢</sub>二 獨活<sub>錢</sub>二 桂<sub>錢</sub>三 菖蒲<sub>錢</sub>二 丁香五錢

脾積加 吳茱萸<sub>錢</sub>二 澤瀉<sub>錢</sub>一 茵陳<sub>錢</sub>宿砂<sub>錢</sub>各二 椒<sub>錢</sub>五

秋冬加制朴一倍 減芩連服人覺熱加連覺悶

亂加桂氣短減朴 又有虛人不可直攻以蠟

匱其藥又且久留廢積



肉積 硃砂 水銀 阿魏 酒積 神曲  
麥蘖

血積 蜜虫 水蛭 桃仁 大黃

氣積 檳榔 木香 水積 甘遂 牽牛  
芫花

疝積 雄黃 臙粉 食積 礞石 巴豆

癖積 三稜 莪朮 鮮魚積 陳皮 紫蘇

草果 丁香 桂心

寒冷成積 附子 朴 硫磺

化氣湯 治息積癖于腹脇之下脹滿疼痛吐酸水

硝砂 桂心 木香 各一 甘草炙 茴香炒 丁香皮

青皮炒 陳皮 生姜炮 沉香 胡椒 各一錢

右為末姜紫蘇湯鹽酒調二錢一分

散聚湯 治久氣六聚狀如癥瘕隨氣上下發作有

時心腹絞痛攻刺脇腰喘咳滿悶膜脹

半夏 檳榔 歸錢 二 陳皮 杏仁 桂心 各二

茯苓 甘草 附炮去毛臍 川芎 只殼

萊菔 厚朴制各一兩 大黃 便硬秘加之

膏 貼塊 石灰 末 出 候 化 者 半 斤 瓦 器 炒 令 淡 紅

大黃 一兩 未 之 就 入 桂 心 半 兩 末 畧 炒 入 米 醋

又方 大黃 硝 各一兩 末 大蒜 搗膏 貼之 亦佳

張法 無憂散 治諸積不化 桂 白朮散調之



茶調散

積水氣

木香

栝榔丸調之

千金石丸

止可磨塊不令困人須量虛實

硝石六兩 大黃斤

甘草 參各二兩

右為末以三年苦酒即好

黃醋三升置竹筒中以竹片作三片刻先納火

黃攪便微沸尽一刻乃下餘藥又尽一刻微火

熬膏丸梧子大每服三十九

消塊丸

三稜

莪朮

削堅

青皮

陳皮破

氣加之香附調開氣

桃仁 紅花治血加之

五脂破血加之甘草

牛膝

死血加之石咸破痰塊

二陳湯破皮裏膜小多痰

山查

食塊加連

茱萸炒一錢益智炒一半葵根 柏 石減湯下

茶癖散 石膏 芩 升麻 砂糖調服

治痰塊 苦參 瓜蒂 半夏 姜蜜丸

破塊驗丸 吳茱萸 連 木香 栝榔

桃仁 郁李仁

又承氣加連芍 川芎 乾薑湯下 瓜蒌

半夏 連 貝母丸果効

一塊丸

如疔効 治 疔癖 白芥子研膏攤紙上貼

終



丹溪朱氏脉證卷之上終



